

REFERAT AIA - Udvalg for Økonomi og Erhverv d. 17-03-2022

Mødedato Torsdag d. 17. marts 2022 kl. 16:00

Mødested Paamiut - kommunip ataatsimiittarfiani

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
2021-mi kulturilerineq pillugu nalunaarusiamik ilisimatitsissut.....	6
Aaqqissuussaanneri naleqqussaannerit.....	9
Pisiniartarnermut tunngasut pillugit nassuiaat.....	13
Meeqqanut Atuarfeqarnermullu Ataatsimiititap angalanera pillugu nalunaarusiaq.....	16
Ukioq atuarfiusoq 2020/2021 pillugu atuarfiit ataatsimoorlutik pitsaassuseq pillugu nalunaarusiaat.....	19
2021-mi Tunumi nunaqarfinni neqeroorutiniq ulluuneranilu paarsisartunik nakkutilliineq.....	22
Ittoqqortoormiini B-22-p eriagisaaanera atorunnaarsinneqarnissaanik siunnersuut.....	26
Nunaminertap 4A8-p Ningitsiviup sanaartorfissagissarneqarnissaa.....	29
Imigassanik aalakoorartulinnik sassaalliinissamut akuersissummut type B-mik qinnuteqaat.....	32
Immikkut ittumik ataasiaannartumik imigassallersinnaanermut akuersissummik qinnuteqaat.....	35
Nuummi Najukkami Ataatsimiititaliap 2022-mi aningaasaliissutiniq atuinnissaa.....	37
Kommunimut pilersaarummut tapiliussamut siunnersuut 2D2-2 Iggiaa.....	40
Kommunimut pilersaarummut tapiliussamut siunnersuut 4B1-2, Naternaq, Nuuk.....	43
Kommunimut pilersaarummut tapiliussap 3A9-1 Nuussuup Manngua, Nuuk, akuersissutigineqarne.....	46
Kommunimut pilersaarummut tapiliussap 4B7-1, Niaqornannguaq Nuuk akuersissutigineqarnera....	49
Kommunimut pilersaarummut tapiliussap N1-1 – Utoqqarmiut Kangerluarsunnguani erngup nuking.....	52
Aqqusinersuarmi Qitiusoqarfimmut pilersaarut, Nuuk.....	55
Ilassutitut oqaluuserisassaq: ESANI aningaasaatinut tunngasut.....	58
Lukket.....	62
Lukket.....	63
Lukket.....	64
Lukket.....	65
Tamalaat.....	66
Imaqarniliap akuerineqarnera.....	67

Punkt .: Saqqaa

Beslutning

Ataatsimeeqataasut:

Charlotte Ludvigsen (IA)

Uju Petersen (IA)

Justus Hansen (D)

Dorthe-Marie Mogensen-Fontain (S)

Attaveqaatitigut peqataasut:

Juaaka Lyberth (IA)

Ken Madsen (N)

Inga Dora G. Markussen (S)

Punkt .: Oqaluuserisassat akuersissutigineqarneri

Beslutning

Oqaluuserisassani immikkoortoq 19 peerneqarpoq.

Punkt .: Nalunaarutit

Beslutning

Siulittaasumit:

Sap. Ak. 8:

24. februar: Ilulissani borgmesteri ataatsimeeqatigineqarpoq.

26.-27. februar: PKG, Naalakkersuinikkut aqutsisoqatigiit Aasianni ataatsimeeqatigiipput.

Sap. Ak. 9:

2. marts: Mælkebøtte Centret Tusass-imiit frimærkimik Kronprinsesse Maryp 50-nik ukioqalernerani assinganik saqqummersitsineranut atasumik malunnartitsinerani kaffisoriartorfigineqarpoq.

3. marts: Nuuk Snow Festivalimik ammaanersiorneq.

4. marts: Savimminilerinermik Ilinniarfik, Katuaq, multeværksted, aamma piorsarsimassuseq pillugu atuartsisalnissamik eqqartueqatigiinneq Naalakkersuisoq, Peter Olsen peqatigalugu ataatsimeeqatigiittoqarpoq.

6. marts: Nuuk Snow Festivalimi dommeriuneq.

Sap. Ak. 11:

15. marts: Ministeriuneq Mette Frederiksen, Kusernermut soqutiginnimmat pulaaqatigineqarpoq.

Punkt 1: 2021-mi kulturilerineq pillugu nalunaarusiamik ilisimatitsissut

Beslutning

Ilisimatitsissutit tusaatissatut tiguneqarpoq.

Bilag

2021-mi kulturilerinermi suliat pillugit nalunaarusiaq

2021-mi kulturilerineq pillugu nalunaarusiamik ilisimatitsissut

2021-mi kulturilerinermi suliat pillugit ilisimatitsissut

Ilisimatitsissut

SagsID.: EMN-2022-00013

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

Suliat pillugit nalunaarusiami siunertaavoq, kulturilerinermut aningaasaliissutit innuttaasunut nuannaarutaasumik amerlasuunik sammisassaqaqtitsisarnerit takussutissaqaqtinnissaat.

Nalunaarusiami pineqarlutik:

- Ammerivik Kittat aamma Nuup nunaqarfiini ammeriviit tassunga attuumassuteqartut
- Innuttaasut Illuat Illorput
- Sannavik Ajagaq
- Nuummi Katersugaasivik
- Paamiut katersugaasiviat
- Ammassalik Museum
- Kulturi Aaqqissuussisarnermullu Immikkoortortaqaarfik

Kulturilerinermik immikkoortortaqa corona pissutaalluni matusinermik aamma killilersuutini annertuumik aqqusaagaqarpoq. Taamatut aqqusaagaqarnerit pigaluartut Kommuneqarfik Sermersuumi tamarmi 2021-mi kulturikkut aaqqissuussat 400-t pisimapput. Sualiani ilaatigut pineqarlutik illoqannginnersani tusarnaartitsinertalimmik takutitsinertalimmillu kulturilerinermik aaqqissuussat 25-t, meeqqanut sammisassaqaqtitsisarnerit 75-it aamma eqqumiitsuliornermik saqqummersitsisarnerit 23-t. Taakku saniatigut aamma ukiup ingerlanerani festivalertitsisarnerit tallimat ingerlanneqarput. Ilaatigut Paamiuni isiginnaartitsinermi festivalertitsineq Kiinnat pivoq aamma Nuummi festivalit annertunerit marluk, Apummik ilusilersuineq aamma Nunat Avannarliit Kultursioqatigiinnerat. Taakku marluk 2000-init amerlanerusunit peqataaffigineqarput.

Allaffeqarfimmit anguniarneqarpoq, ukiumut marloriarluni ilisimatitsisarneq pisalissasoq. Saqqummiineq annertuuliaassanngilaq suliffeqarfiimmi kulturilerisut allaffissornermi piffissartornermit innuttaasunik misigisassaqaqtitsinissaq salliussinnaaniassavaat.

Ingerlatsivimmit aningaasatigut sulisoqarnikkullu naliliinerit

Suliaq aningaasaliissutitut kinguneqaateqassanngilaq.

Suliffeqarfimmut Kiffartuussivimmit aningaasatigut naliliineq

Annerusumik oqaaseqaatitassaqanngilaq.

Inatsisitigut tunngavissaq allakkallu tunngaviusumik uppersaattallit

- Kommuneqarfik Sermersuup kulturi pillugu politikkaa
- Nuuk pillugu illoqarfiit pingaarnersaat pillugu periaasissat
- Kommuneqarfik Sermersuumi 2021-mut missingersuutit



Ilanngussat

1. 2021-mi kulturilerinermi suliat pillugit nalunaarusiaq

Punkt 2: Aaqqissuussaanermi naleqqussaanerit

Beslutning

Ilisimatitsissut una aalajangiiffiiffigisassanngorlugu nuutsinneqarpoq.

1. Inassuteqaat Aaqqissuussaanermi naleqqussaaneq tusaatissatut tiguneqarpoq,
2. Paamiut Kangianilu piffimmi aqutsisut, siunnersuut malillugu allamut inissinneqarsimanerat taparserneqanngilaq. Siunnersuutigineqarlunilu pisortaanerup tulliata ataanut inissinneqassasut.
3. Ataatsimiinnissamut tullermut aningaasatigut sunniutaasinnaasunut pisortaanermiit ilisimatitsissutigineqarnisai kissaatigineqarpoq.

Bilag

Kommunaldirektørp aaqqissuussaanermi inissisimaffii

Vicekommunaldirektørp aaqqissuussaanermi inissisimanera

Meeqqanut Atuarfeqarnermullu Ingerlatsiviup aaqqissuussaanermi inissisimanera

Aaqqissuussaanermi naleqqussaanerit

Ilisimatitsissut

SagsID.: EMN-2022-01811

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

Matumuuna allaffeqarfiup ilisimatitsissutigaa Suliffeqarfimmut Kiffartuussivimmi aaqqissuussaanikkut naleqqussaneq tamatumalu kingunerisaanik Sanarfinermut Avatangiisinullu Ingerlatsivimmi aammalu Meeqqanut Atuarfeqarnermullu Ingerlatsivimmi malitsigisamik allannguutit.

Periusissiaqarluni pilersaarusiornermut Misissueqqissaarinermullu Immikkoortortaq - Afdeling for Strategisk Planlægning og Analyse

Kommunimi innuttaasut inissianik pilersorneqarnissaat politikikkut ukkatarineqartut annertunerit ilagaat. Taamaammat tamatut suliaqarneq allaffissornermi aamma annertuumik peruseqarfineqarluni ukkatarineqarpoq. Tamanna tunngavigalugu ineqarnermut immikkoortortaq Sanarfinermut Avatangiisinullu Ingerlatsivimmit Sulleffeqarfimmut Kiffartuussivimmi Kommunaldirektørip ataanut toqqartumik inissinneqarpoq.

Aningaasaqarnermut tunngasunik periusissiamik pilersaarusiorneq illoqafiullu ineriartornera qanimut ataqtigiipput. Covid-19-ip nunarsuaq tamakkerlugu tuniluunnerata tamatumunngalu tunngatillugu aningaasartuutigineqartut kingunerisaannik, ukiunilu kingullerni 20/20/60-nik kommunip suliffeqarfiinut taarsigassarsititsisarsianerit pissutigalugit, ukiuni tulluuttuni karsimiittuutit aqutsinissaq kommunip sukannersorujussuarmik ukkatarilersussaavaa – tamatumunngalu peqatigitillugu isumaginninnermut tunngasunik inissianillu ineriartortitsinissamut aningaasatigut periarfissaqartitsissalluni.

Tamanna tunngavigalugu pilersinneqassaaq Periusissiaqarluni pilersaarusiornermut Misissueqqissaarinermullu Immikkoortortaq - Afdeling for Strategisk Planlægning og Analyse, Kommunaldirektørip ataani. Misissueqqissaarinermut pisortaq Sanarfinermut Avatangiisinullu Ingerlatsivimmiit Kommunaldirektørimut attaveqalissaaq immikkoortamillu aqutsisuulissalluni. Aningaasaqarnermut immikkoortortamit sulisut marluk misissueqqissaarinermik suliaqartut immikkoortortamut nuussapput, taamatullu immikkoortortaqarfik Compliance og Jura immikkoortortamut nuussallutik, Misissueqqissaarinermut pisortamut attaveqalissallutik. Tassunga atatillugu cand.merc assigisaatulluunniit atorfik pilersinneqassaaq, misissueqqissaarinernik assigiinngitsunik suliaqartussaaq, suliaasaqarfiillu akimorlugit ingerlatanik suliaqartussaaq, soorlu pilersaarusiornernik missingersuusiornerrillu ingerlanneqartarnerinik suliaqarnermik. Kommunip ingerlatseqatigiiffiit attaveqarneq akisussaaffeqarnerlu immikkoortumut tassunga aamma atalissapput.

Aqutsisogatigiit Allatseqarfiat

Pisortaqatigiit Allatseqarfiat Vicekommunaldirektørimiit Kommunaldirektørimit

akisussaaffigineqalissaaq, taamaasilluni qinikkanik sullissineq ataasiinnarmi inissisimaffeqalerluni.

Innuttaasunik peqataatitsineq attaveqatigiinnermut immikkoortortamut atajunnaarluni Aqutisoqatigiit Allatseqarfiannut atalissaaq aammalu illoqarfinni najukkami ataatsimiititaliat sulinerannut ilanngunneqassalluni, aamma taakkunani innutaasunik peqataatitsineq suliarneqartarmat.

Peqqinneq Sammisassaqaartitsineq Pitsaaliunerlu pillugit Immikkoortortaq

Kissaatigineqarpoq, innuttaasunut naleqarnerulersitsisumik aaqqiissuteqartoqassasoq, immikkut ukkataralugit meeqqat inuusuttulu, kisianni nangittumik utoqqarnut innuttaasunullu innarluutilinnut sammisassaqaartitsineq ingerlataralugu.

Meeqqanut Atuarfeqarnermullu Ingerlatsivimmi suliffeqarfiit peqqinnermik siuarsaaffiusut atuariiillu ineriartortinneqarnissaat sulissutigineqarpoq. Tamanna Peqqinneq Susassaqaartitsinerlu pillugit Immikkoortortami peqqissutsimik siursaanermik sulineranut qanippoq, kisianni peqqissutsimut tunngasut tamanut tunngatinnerullugit. Immikkoortortat pineqartut akornanni suleqatigiittoqarpoq. Kisianni nalilerneqarpoq suleqatigiinneq qaninnerusinnaasoq pitsaanerullunilu, ingerlatsivimmi ataatsimoortuugunik, meeqqanullu tunngasut pillugit takorluukkat ataatsimoorullugit sulisuugunik. Taamaattumik Peqqinneq, Susassaqaartitsineq Kulturimullu Immikkoortortaqarfik marlungorlugu avinneqassaaq.

Immikkoortortami siunertaq tamakkiisoq tassaavoq imminut toqunnissamik, aningaasanoorajunnermik aamma aanngajaarniutinik pinngitsuuisinnaanernit pinaveersaartitsissalluni aamma innuttaasut akornanni peqqinnartumik inooriaaseqarneq siursassallugu. Sullinniarneqarput Nuummi nunaqarfiinilu innuttaasut. Anguniagaq anguneqassaaq atuartitsinikkut, pikkorissartitsinikkut aamma qaammarsaanermik suliaqarnikkut. Aammattaaq immikkut anguniagaavoq Nuummi nunaqarfiinilu innuttaasut tamarmik immikkoortortamit suliniutit neqeroortillu ingerlanneqartut tamarmik ilisimaneqalernissaat. Pinaveersaartitsinermik suliniutit amerlasuut Nuummi aamma Nuup eqqaani nunaqarfinni meeqqanut inuusuttuaqqanullu, taamatullu suliamik ingerlatsisunut tunngasuupput.

Ingerlatsiviit qanimut suleqatigalugit suliassaqarpoq, tamakkuli ingerlanneqarneq ajorput aaqqissuussaannikkut inissisimanerit pissutigalugit. Soorlu assersuutigalugu nerisaqarneq pillugu politikkit, qamuuna peqqissuunissaaq il.il. pillugit perorsaasunik ilinniartitsineq. Tamatuma ingerlatsivimmi siunissami ineriartortitassatut pissusissamisoortutut ingerlanneqassappata, peqqinnermut tunngasunut immikkoortortaq Meeqqanut Atuarfeqarnermullu Ingerlatsivimmut nuutinneqassaaq. Meeqqanut inuusuttunullu tunngasut annertuumik ukkatarineqaraluartut, aamma suli inersimasunut, utoqqarnut innuttaasunullu innarluutilinnut tunngasuni suliassaqarpoq.

Tamanna tunngavigalugu Peqqinneq Susassaqaartitsinerlu pillugit Immikkoortortaq aamma Pitsaaliunerlut Immikkoortortaq ataatsimoortinneqassapput, taakkulu Meeqqanut Atuarfeqarnermullu Ingerlatsivimmi allaffeqatigiilissapput. Kulturilerinnermut immikkoortortaq Attaveqatigiinnermut immikkoortortami aaqqissuussaannikkut inissisimaannassaaq.

Aqqissuussaannermi naleqqussaaneq Kommunalbestyrelstyrelsip februaarip ulluisa 22-anni 2022-mi aalajangiinneranut naapertuuppoq, tassani Kommunalbestyrelsip aalajangermagu pitsaaliuineq Meeqqanut Atuarfeqarnermullu Ingerlatsivimmut nuutinneqassasoq.

Attaveqarfiit allat nikinneri

Sermersooq Business aamma Attaveqaqatigiinneq aaqqissuussaanermut allannguinerup kingunerisaanik kommunaldirektørimut attaveqarunnaarlutik vicekommunaldirektørimut attaveqalissapput.

Tasiilami Paamiuni Immikkoortortani pisortat attaveqarfigilissavaat Suliffeqarfiup iluani sullissinermut aamma digitaalinngorsaanermut immikkoortortaq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaaitallit

Pisariaqanngilaq.

Ilanngussaq

1. Kommunaldirektørip aaqqissuussaanermi inissisimaffii
2. Vicekommunaldirektørip aaqqissuussaanermi inissisimanera
3. Meeqqanut Atuarfeqarnermullu Ingerlatsiviup aaqqissuussaanermi inissisimanera

Punkt 3: Pisiniartarnermut tunngasut pillugit nassuiaat

Beslutning

Ilisimatitsissut tusaatissatut tiguneqarpoq, imatut Siumumit oqaaseqaatitalerlugu: Supply code of conduct atuutinneqassasoq.

Bilag

Pisiniartarneq pillugu nassuiaat 2021



Pisiniartarnermut tunngasut pillugit nassuiaat

Pineqartoq ukioq 2021

Ilisimatitsissut

SagsID.: 10.00.01 EMN-2022-01784

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq

Suliamik saqqummiussineq

Kommuneqarfik Sermersuumut Pisiniartarnermut politikki Kommunalbestyrelsimit akuersissutigineqartoq tunngavigalugu matumuuna 2021-mi qitiusumit pisiniartarneq pingaarnersiorlugu nassuiaatigineqarpoq, aammalu 2022-mut siunissami sulinissaq sammeneqarluni.

Pisiniartarneq aamma Isumaqaatigiissutinik Aqutsineq angallassinermut- aamma pisiniarnermik suliassanut peqataanerat ingerlatiinnarneqarpoq illersuutissanut pisarialinnut tunngatillugu upalungaarsimanikkut toqqorsiveqarnikkullu annertusaanermi. Coronap ajornartoortitsineranut atasumik illersuutissat pingaartumik assannut spritit, kiinnamut assiaqutit akimut ersittut aamma qanermut assiaqutit, bakterieaajaatit piumaneqarnerujussuannik kinguneqarpoq.

Aammattaaq COVID-19-imut misissuisarfiup ulluinnarni ingerlanneqarnera Pisiortortarnermut allaffimmit akisussaaffigineqarpoq, Nuummi kommunimi innuttaasut kiffartuunneqarnerannik attassiinnarnissaq anguniarlugu sulisunik atugassiisoqarsimalluni. Qullerpaatut aqutsinermi Pisiniartarnermut allaffeqarfik COVID-19 pillugu suliniutinik pilersaarusiornermik, ingerlatsinermik il. Kalaallit Nunaanni Nakorsaaneqarfimmut tapertatut annertuumik peqataatinneqarpoq.

Coronamut tunngasunik suliaqarnerup saniatigut immikkut ukkatarineqartut tassaapput:

- Ulluinnarni pisiniartarnernut aamma suliniutinut atasumik pisiniartarnernut isumaqaatigiissutit ataavartumillu aningaasartuutinik annikillisaanissap qulakkeernissaat attanneqaannarnissaallu
- Isumaqaatigiissutit attanneqaannarnissaannik annertuumillu atorneqaannarnissaannik qulakkeerineq
- Aqutsisut chefillu nutaat Pisiniartarnermut politikkimik pisiniariaatsimillu sukannersumik atuinissamut ilisimasaqalernissaasa qulakkeerneqarnerat, tamatumalu ataani kommune tamakkerlugu ataatsimoorluni pisiassat pillugit periusissat akuersissutigineqarsimasut aalajangiusimaneqarnissaannut ineriartortinneqarnissaannullu isumaqaatigiissutit ilanngullugit, aamma
- Neqerooruteqartitsinernik pilersaarutaasunik ingerlatsinerit

Neqerooruteqartitsinerit tulluuttut 2021-mi ingerlanneqarput:

- Kommunimi meeqqerivinnut utoqqaallu illuinut nerisassanik pilersuineq pillugu isumaqaatigiissutip pioreersup neqerooruteqartitsissutigeqqinneqarnera
- Kommunip meeqqeriviinut, utoqqaat illui ilanngullugit NON FOOD-inik pilersuineq pillugu isumaqaatigiissutip pioreersup neqerooruteqartitsissutigeqqinneqarnera
- Eqqiaanermut tunngasunik pappiaranillu pilersuineq pillugu isumaqaatigiissutip pioreersup neqerooruteqartitsissutigeqqinneqarnera



- Ulluunerani paaqqinnittarfimmut nutaamut pequtiniq aggiussineq pillugu neqerooruteqartitsineq

2021-mi coronap ajornartoortitsinera pissutigalugu nunarsuarmi niuerneq aalassassimaarfiugaluqisoq, neqerooruteqartitsinerni tamani akigitat ilisimaneqareersut allangortinneqannginnissaat iluatsinneqarpoq, naak aamma siuningaaniit akigitat qaffannissaat ilimasaarutaasimagaluartoq, tamannali unammilleqatigiittoqarnissaanik kinguartitsineq pissutigalugu pinngitsoortinneqarpoq.

Neqerooruteqartitsisarneq unammilleqatigiinnissamillu pinngitsoortitsineq pillugu sulineq 2022-mi ingerlateqqinneqassaaq, tamatumani assigiinngitsutigut neqerooruteqartitsisoqassalluni/neqerooruteqartitseqqittoqassalluni.

2022-mi atsioqatigiilluni isumaqatigiissuteqarneq tamaat eqqarsaatigalugu annertuumik ukkatarineqassaaq, pingaartumillu Isumaginnittoqarfimmi Pisiniartarneq eqqarsaatigalugu. Isumaqatigiissutiniq nakkutiginninnerulernikkut illuatungeriit tamarmik isumaqatigiissutiniq malinninnissaat qulakkeerneqassaaq, peqatigitillugulu isumaqatigiissutiniq malinnaatitsinikkut isumaqatigiissutigineqartoq malillugu pitsaassutsimik tunniussisoqarnissaa qulakkeerneqassaaq, taamaasillunilu pisiassamut kiffartuussusummulluunniit akigititaq isumaqatigiissutaasoq anguneqarluni.

Ingerlatsivimmit aningaasatigut sulisoqarnikkullu naliliinerit
Pisariaqanngilaq.

Suliffeqarfimmut Kiffartuussivimmit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppersaattallit

- Kommuneqarfik Sermersuumi Pisiniarnermut Politikki
- Kalaallit Nunaanni neqerooruteqartitsisarneq pillugu inatsit

Ilanngussaq

1. Pisiniartarneq pillugu nassuiaat 2021

Punkt 4: Meeqqanut Atuarfeqarnermullu Ataatsimiititap angalanera pillugu nalunaarusiaq

Beslutning

Ilisimatitsissut tusaatissatut tiguneqarpoq.

Bilag

Pilersaarutit

Angalaneq pillugu nalunaarusiaq

Meeqqanut Atuarfeqarnermullu Ataatsimiititap angalanera pillugu nalunaarusiaq

Danmarkimut Islandimullu, oktobari 2021

Ilisimatitsissut

SagsID: EMN-2022-01443

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Meeqqanut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

Meeqqanut Ilaqutariinnullu Ataatsimiititaq 2021-mi ulluni 8. - 16. oktobari 2021 Danmarkimut Islandimullu angalavoq. Angalanermi siunertarineqarpoq, ataatsimiititap suliassaqaarfiisa iluani Danmarkimi Islandimilu atuarfeqarnermut, atualertussanut peqqinnissamut susassaqaartitsinerimullu sulisoqarfiit assigiinngitsut pulaassallugit, isumassarsiorfigiartussallugillu.

Meeqqanut Atuarfeqarnermullu Ataatsimiititami ilaasortat angalaqataasut tassaapput Juaaka Lyberth (siulittaasoq), Poul Petersen (siulittaasup tullia), Mia Skifte Lynge (ilaasortaq) Dorthe-Marie Mogensen-Fontain (ilaasortaq).

Meeqqanut Atuarfeqarnermullu Ingerlatsivimmit angalaqataasut tassaapput Lone Nukaaraq Møller (Meeqqanut Atuarfeqarnermullu Ingerlatsivimmi pisortaq) aamma Riikki Grønvold (atuarfeqarnermut immikkoortortami fagchef) Naussunguaq Lyberth ulluunerani neqerooruteqaartarnermut tunngasuni fagchef) Jane Nørgaard Gai (Meeqqanut Atuarfeqarnermullu Ingerlatsivimmi AC-fuldmægtig) Arnajaraq N Lyberth (Peqqinneq Susassaqaartitsinerlu pillugit immikkoortortami AC-fuldmægtig) Lars Damkjær (Attaveqaqatigiinnermut pisortaq) Allaffeqarfimmit allamiit angalaqataapput Pernille Ødegaard (ataatsimiititami allatsi) aammalu Nikolaj Olsvig (oqalutsi).

Ataatsimiititaq Danmarkimi Islandimilu sulisoqarfinnut assigiinngitsunut pulaarput, takuniaatinneqarlutillu tikitaminnilu saqqummiussiffigineqartarlutik.

Meeqqanut Ilaqutariinnullu Ataatsimiititap angalanerminnit paasisatik ataatsimiititami suleriaqqinnerminni atussavaat.

Ingerlatsivimmit aningaasatigut sulisoqarnikkullu naliliinerit

2021-mi ataatsimiititap angalanissaanut 350.000 koruunit immikkoortinneqarnikuupput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattallit

- o Ataatsimiititap suleriaasia

Siusinnerusukkut aalajangiineq

Meeqqanut Atuarfeqarnermullu Ataatsimiititaq, 02.03.22:

Inassuteqaat akuersissutigineqarpoq

Ilanngussaq

1. Pilersaarutit
2. Angalaneq pillugu nalunaarusiaq

Punkt 5: Ukioq atuarfiusoq 2020/2021 pillugu atuarfiit ataatsimoorlutik pitsaassuseq pillugu nalunaarusiaat

Beslutning

Ilisimatitsissut tusaatissatut tiguneqarpoq.

Bilag

Ukioq atuarfiusoq 2020/2021 pillugu atuarfiit ataatsimoorlutik pitsaassuseq pillugu nalunaarusiaat

Ukioq atuarfiusoq 2020/2021 pillugu atuarfiit ataatsimoorlutik pitsaassuseq pillugu nalunaarusiaat

Ilisimatitsissut

SagsID.: EMN-2021-12236

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutit ingerlateqqinneqassasoq

Suliamik saqqummiussineq

Atuarfik pillugu Inatsisartut inatsisissaattut siunnersuut nr. 15, 3. December 2012-imeersumi § 49 naapertorlugu atuarfiit immikkut ukiumut atuarfiusumut qaangiuttumut ukiumoortumik pitsaassuseq pillugu nalunaarusiortassapput. Taassuma ilaatigut imarisassavai ukiumi atuarfiusumi kingullermi nukarlerni akullernilu misilitsinnerni angusat, angajullerni inaarutaasumik misilitsinnerni angusat, agguaqatigiissillugu klassini atuartut amerlassusiat, piffissaq atuartitsinermut atorneqartoq il.il.

Meeqqanut Atuarfeqarnermullu Ingerlatsivimmi Atuarfeqarnermut Immikkoortortaq atuarfiit namminneq ukiumoortumik pitsaassuseq pillugu nalunaarusiaat tunngavigalugit kommunimi atuarfiit tamarmik pillugit ataatsimoorussamik ukiumoortumik pitsaassuseq pillugu nalunaarusiortarpoq.

Matumani Kommuneqarfik Sermersumi atuarfeqarnermut tunngasuni pitsaassuseq pillugu nalunaarusiaq ukiumut atuarfiusumut kingullermut takussutissiamik, ukioq atuarfiusoq 2020/2021-mut atuarfiit namminneq pitsaassuseq pillugu nalunaarusiaannik eqikkaanermik kiisalu immikkoortunik pingaarnernik nassuiaatinik imaqarpoq. Tamatuma saniatigut nalunaarusiap naggataani atuarfeqarnermut tunngasuni suliniutit ineriartortitsinissamullu suliniutit, ingerlanneqartut imaluunniit ukioq atuarfiusoq kingullermi aallartinneqarsimasut, pillugit takussutissamik imaqarpoq.

Meeqqanut Atuarfeqarnermullu Ingerlatsivimmit ataatsimoorussamik pitsaassuseq pillugu nalunaarusiornerminut atatillugu Kommuneqarfik Sermersuumi pingaartumik akullerni misilitsinnermit inernernit 7. klassit matematikimi angusaat appasippallaartut naammaginatillu, paasineqarpoq. Tamanna pillugu ingerlatsivimmit fagi matematik sukannersumik eqqumaffigineqassaaq, akullernilu angusat pitsaanerulernissaat anguniarneqassaaq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattallit

- Atuarfik pillugu Inatsisartut inatsisissaattut siunnersuut nr. 15, 3. December 2012-imeersaq



Siusinnerusukkut aalajangiineq

Meeqqanut Atuarfeqarnermullu Ataatsimiititaq, 02.03.22:

Ilisimatitsissut tusaatissatut tiguneqarpoq.

Ilanngussaq

1. Ukioq atuarfiusoq 2020/2021 pillugu atuariit ataatsimoorlutik pitsaassuseq pillugu nalunaarusiaat

Punkt 6: 2021-mi Tunumi nunaqarfinni neqeroorutinik ulluuneranilu paarsisartunik nakkutilliineq

Beslutning

Ilisimatitsissut tusaatissatut tiguneqarpoq.

2021-mi Tunumi nunaqarfinni neqeroorutiniq ulluuneranilu paarsisartunik nakkutilliineq

Kuummiuni, Sermiligaami, Isertumi, Tiilerilaamilu nunaqarfinni neqeroorutiniq aamma Kulusummi ulluunerani paarsisartunik nakkutilliineq

Ilisimatitsissut

SagsID.: EMN-2021-16766

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Ilisimatitsissut

Meeqqanut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititamat inassuteqaatigaa:

- 2021-mi Tunumi nunaqarfinni neqeroorutiniq ulluuneranilu paarsisartunik nakkutilliineq pillugu ilisimatitsissut tusaatissatut tiguneqassasoq
- ilisimatitsissut Kommunalbestyrelsimut ingerlateqqinneqassasoq

Suliamik saqqummiussineq

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersumi § 5, imm. 2 naapertorlugu, kommunalbestyrelsip meeqqanut ulluunerani neqeroorutit tamaasa nalinginnaasumik perorsaanermullu tunngatillugu nakkutigissavai. Meeqqanik angerlarsimaffimmi paarsisoqartillugu, ukiumut sisamariarluni nakkutilliilluni orninneqartassapput, taakkunanngalu ataasiarluni siumoortumik nalunaaqqaarani nakkutilliisoqartassalluni.

Kommuneqarfik Sermersooq meeqqanut suli atualinngitsunut perorsaanikkut inerikkiartuutaasunik arlalinnik paaqqutarinninnissamat neqerooruteqarpoq, tassanilu Ulluunerani paaqqinnittarfinnut Immikkoortortaqaqfimmit 2021-p ingerlanerani nakkutilliineq ingerlanneqarpoq.

Nunaqarfinni neqeroorutit aamma angerlarsimaffinni paarsisarnermik aaqqiineq

Nunaqarfinni neqeroorutit meeqqanut ukioqanngitsuniit arfinilinnut ukiulinnut atuupput, taakkulu nunaqarfinni atugassarititaasunut naleqqussagaapput. Taakku Kuummiini, Sermiligaami, Isertumi aamma Tiilerilaami atornerarput. Neqeroorutini taakkunanani sisamani ulloq 17. decembari 2021-mi katillugit meeqqat nalunaarsimasut 25-upput. Kuummiini meeqqat nalunaarsimasut qulingiluupput, sulisullu marluk atorfinitsinneqarsimallutik. Sermiligaami aqqaneq-marlunnik meeraqarpoq marlunnillu sulisoqarluni. Ingerlatsivimmit sulisunut pingasunut periarfissanik misissuisoqarpoq. Isertumi meeraq nalunaarsorsimasoq ataasiuvoq, sulisorlu ataaseq atorfinitsinneqarsimavoq. Tiilerilaami meeqqat nalunaarsorsimasut pingasuupput, sulisorlu ataaseq.

Angerlarsimaffimmi paarsisarneq meeqqanut ukioqanngitsuniit arfinilinnut ukiulinnut neqeroorutaavoq. Kommuneqarfik Sermersuumi Kulusummi angerlarsimaffimmi paarsisarnermik aaqqiissummik ataatsimik peqarpoq. Meeqqat illumi ataatsimi, kommunimit angerlarsimaffimmi paarsisartunut atugassiissutigineqarsimasumi, paarineqartarput. Kulusummi angerlarsimaffimmi paarsisarnermik aaqqiissummi meeqqat nalunaarsorsimasut quliupput. Angerlarsimaffimmi paarsisarnermik aaqqiissummi sulisut amerlassusilerneqarneranut tunngatillugu angerlarsimaffimmi paarsisumut ataatsimut meeqqat sisamaassapput.

Nunaqarfinni neqeroorutini nakkutilliinerit aqutsisumit aamma/imaluunniit Tasiilami Dronning Ingridip Meeqkeriviani sulisunit, Meeqqanut Atuarfeqarnermullu Ingerlatsivimmi perorsaanikkut siunnersortimut ingerlatiteqqittartunit, ingerlanneqartarput. Tasiilami Dronning Ingridip Meeqkeriviani aqutsisoq ornigulluni nakkutilliartorsinnaanngippat pisoqarpat akuleruttoqartariaqarluni, sulisoq aalajangersimasoq nunaqarfiliartinneqartarpoq. Sulisoq taanna

sumiiffinni killiffimmik suliaqarnermut ikiuutaasarpog, angajoqqaanik siunnersortimillu ataatsimeeqategartarpog.

Ukioq kingulleq Dronning Ingridip Meeqqueriviani aqutsisoq sulinngiffeqalermat, tassanngaanniit aqutsisuugallartut paarlakaassimapput - katillugit pingasut. Nakkutilliinermi aqutsisuugallartog sulivoq, taannalu ulluinnarni immikkoortumut perorsaanermut siunnersortimik annertuumik siunnersiorneqartarpog.

2021-mi oktobarip qaammataani Kuummiini, Sermiligaami, Tiilerilaami, Isertumi kiisalu Kulusummi nakkutilliartorluni pulaartoqarpog. Nakkutilliinerit taakku ulluunerani neqeroorutitut fagchefimit ingerlanneqarput. Kingorna nakkutilliinermut atatillugu nalunaarutit tamarmik aqutsisuugallartumut nassiinneqarput.

Nakkutilliinerit ataatsimut isigalugit

Sapaatip-akunneranut pilersaarutit:

Pulaarnerup nalaani sukkulluunniit meeqqanut perorsaanikkut sammisassanut tunngasunik sapaatip-akunneranut pilersaarusiortoqanngilaq. Tamanna ileqquliunneqassasog fagchefimit piumasarineqarpog. Paarsisarnermut neqeroorutit tamarmik pulaartoqareernerani skemamik nassinneqarput, taakkulu sulinerminnut atorsinnaassavaat. Taamatuttaaq meeqqanut ineriaarsimasunut piumasaqaateqarnerusunik perorsaanikkut sammisaqartitsisarnissaq piumasarineqarpog.

Upalungaarsimanermut pilersaarutit:

Nakkutilliinerni amerlanerni ikuallattoornermi najoqqutassat ersarissimanngillat imaluunniit sulisut ilisimasimanngilaat. Kingorna fagcheft aqutsisuugallartumut isumaqatigiissuteqarpog, nunaqarfinnut ataasiakkaanut naleqqussakkanik najoqqutassanik ersarissunik suliaqartoqassasog.

Illut:

Kuummiini illup pujoorfia ajoquteqarpog, tassa imeq isaasarami. Tamanna fagchefip qullersanut attuumassuteqartunut ingerlateqqippaa.

Isertumi kiassaateqarfik aserorsimammat meeraq utaqqiisaasumik angerlarsimaffiup paarsisartup angerlarsimaffiani paarineqartarpog. Tamanna aamma ingerlateqqinneqarpog.

Tiilerilaami illu assigiinngitsutigut iluarsaatassaavoq, tamannalu fagchefip teknikimut immikkoortortaqarfimmut ingerlateqqissavaa. Tamatuma saniatigut kuuginnartumik imeerussimavoq ruujorit qerisimammata. Tamanna pillugu sulisut allamut imertartariaqartarput. Taassuminnga isumaginnissinnaasumik maanna pedelimik amigaateqartoqarpog. Tamanna pillugu sulisog ataaseq aqutsisuugallartumut attaveqassaaq.

Pikkorissarnerit ilinniagaqarnerlu:

Sulisut ilaat Ilinniartitaanermut Aqutsisoqarfiup (ILA) pikkorissaaneranut peqataasimapput. Ilaatigut *pinnguarnep isumaanik* ilinniartinneqarsimapput. Tunngaviit 1-7-it aamma Kammagiitta ataatsimut isigalugu ilisimaneqarput. Meeqqanik *immikkut pisariaqartitsisunik* tunngasunik pikkorissarnerit kissaatigineqarput.

Tamatuma saniatigut misissuineriut atortut MIIM 3 aamma 5-ip immersornissaanut ikiuisoqarnissaa sulisunit arlalinnit kissaatigineqarpog. tamanna fagchefip Tasiilami aqutsisuugallartumut ingerlateqqissavaa, taanna nunaqarfinni misissuinerinik ingerlatsisimavoq pisariaqartitsinerlu naapertorlugu sulisunik ilinniartitsisinnaalluni. Aqutsisuugallartumut misissuinerit sulisunut utertinneqartuaannassasut erseqqissaatigineqarpog, taamaalillutik sulisut sapaatip-akunneranut pilersaarutini perorsaanikkut sammisassanik suliaqaraangata atorsinnaasassavaat.

Pissutsit allat:

Taamaattorli Kulusummi nakkutillineq unitsinneqarallartariaqarsimavoq, paasineqarmat illup isaterneqarnissaa piumasarineqarsimasoq. Meeqqat angajoqqaaminnit aaneqarput fagchefilu aaqqiissutaagallartumik ikiuisariaqarsimavoq. Meeqqat tamarmik illutoqqamut utertinneqareerput. Piffissami allami nakkutilliinerup oqarasuaatikkut nangeqqinnissaa isumaqatigiissutigineqarpoq.

Allat:

Ingerlatsivimmit Tunumi nunaqarfimmi neqeroorutit tamarmik angerlarsimaffimmi paarsisarnermik aaqqiissutinngortinneqarnissaat politikikkut aalajangiiffigineqarnissaa pillugu siunnersuusiortoqarpoq. Taamaalluni meeqqat ukioqanngitsuniit pingasut tikillugit ukiullit paarineqarnissaannut neqeroorfigineqarsinnaalissapput. Taamatuttaaq nunaqarfimmi angajoqqaat mikisunik meerallit sulisinnaaniassammata ammasarfiit naleqqussarneqassapput.

Ulluunerani neqeroorutitut Immikkoortortaqarfimmit nunaqarfimmi paarsisarnermut neqeroorutitut tunngatillugu nakkutilliinermi assigiissaartumik skemamik peqarsimanngitsoq erseqqissaatigineqassaaq. Maanna suliarineqareerpoq, matumanilu suliasamik saqqummiussinermi ilanngussatut ilanngunneqarluni.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitallit

- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersoq

Siusinnerusukkut aalajangiineq

Meeqqanut Atuarfeqarnermullu Ataatsimiititaq, 02.03.22:

Ilisimatitsissut tusaatissatut tiguneqarpoq.

Ilanngussaq

1. Skema_tilsynsbesøg i bygdetilbud og dagplejeordninger
2. Tilsynsbesøg Sermiligaaq_KAL
3. Tilsynsbesøg Isertoq_KAL
4. Tilsynsbesøg Tiilerilaaq_KAL
5. Tilsynsbesøg Kuummiit_KAL

Punkt 7: Ittoqqortoormiini B-22-p eriagisaanerata atorunnaarsinneqarnissaanik siunnersuut

Beslutning

Ilisimatitsissut tusaatissatut tiguneqarpoq.

Bilag

B-22-ip, Ittoqqortoormiit eriagisaanerata atorunnaarsinneqarnissaanik qinnuteqaat

Allanngutsaaliuisussaanermik nalunaarut 21.04.2021 malillugu qanoq ingerlatsisoqarnissaa pillugu nassuiaat

Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq

Bevaringsvaerdige_bygninger_og_omraader_oversigt_jan_2015

Ittoqqortoormiini B-22-p erigisaanerata atorunnaarsinneqarnissaanik siunnersuut

Ilisimatitsissut

SagsID.: EMN-2021-16839

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutit Kommunalbestyrelsimut ingerlateqqinneqassasoq

Suliamik saqqummiussineq

Sanarfinermut Avatangiisinullu Ingerlatsiviup Ittoqqortoormiini B-22-p, erigisaanerata atorunnaarsinneqarnissaanik qinnuteqaammi tunngavilersuutit pingaarnerit matumani saqqummiuppai.

Ingerlatsivik illumik piginnittumit KNI-mit saaffiginnisummik pissarsivoq tassanilu B-22-p isaterneqarnissaa kissaatigineqarpoq.

B-22 ullumikkut allanngortitigaavallaartutut paarinerlugaasutullu isikkoqarpoq. B-22-p atorqeersinnaalersinnissaa akisussaaq, aallaqqaammullu isikkuanut B-22-p erigisassaaneranut pissutaasumut uterteqqinnissaa sulisunerussalluni.

B-22 sumiiffimmi C-mi illut allanngutsaaliukkat marluk (B-33 aamma B-45) eqqaanni inissisimavoq, B-22-li taakkununga arlaatigut taasarialimmik attuumassuteqartoq ingerlatsivik isumaqanngilaq. B-22 pillugu paasisutissat uppersaataillu killeqarput. Taamaammat naliliinermi aallaqqaammut titartakkanit 1939-meersunit assilisat marluk sanaartornermilu asseq ataaseq, 1984-imi kimmut ilassuserneqarneranit titartakkat aamma ullumikkut qanoq issusianik assit uppersaatait tunngaviupput.

Atortunik qulaaniittunik naliliinermi B-22-mi atortut 1939-meersuunersut nalornissutaasimavoq, tassa ullumikkut isikkua aallaqqaammut isikkuanit allaanerujussuummat. Ingerlatsiviup ataatsimut isigalugu B-22 oqaluttuarisaanikkut, atortutigut kulturikkulluunniit naammaginartumik naleqanngitsoq erigisaaaneralu atorunnaarsinneqartariaqartoq nalilerpaa.

Suliap ingerlanissaa

- B-22-p erigisaanerata atorunnaarsinneqarnissaanik siunnersuut Nuna Tamakkerlugu pilersaarusiortarnermut immikkoortortaqaarfimmit susassaqaarfimmut oqartussaasuusumit siumoortumik akuersissutigineqareerpoq, sap.ak. sisamani tamanut tusarniutigineqarnissaa tassani siunertaralugu, tassunga ilanngullugu B-22 pillugu najukkami kommunip allaffiani nalunaarutigineqarnissaa kiisalu sumiiffinni attuumassuteqartuni allagarsiunneqarnissaa
- Tusarniummut akissut Nuna Tamakkerlugu Pilersaarusiortarnermut immikkoortortaqaarfimmi suliarineqassaaq
- Tusarniummut akissutit tiguneqartut tamarmik kiisalu B-22-p erigisaanerata atorunnaarsinneqarnissaanut tunngavilersuut Nuna Tamakkerlugu Pilersaarusiortarnermut immikkoortortaqaarfimmut nassiunneqassapput. Suliamut atortussat tiguneqartut tunngavigalugit erigisassaaneramik atorunnaarsitsinissamik imaluunniit attassiinnarnissamik innersuussisoqassaaq

- Nuna Tamakkerlugu Pilersaarusiortarnermut immikkoortortaarfik inaarutaasussamik aalajangiisuusussamut Kommunalbestyrelsimut innersuusiussaaq. Eriagisaanerani atorunnaarsitsisoqarpat Illoqarfimmik Inerisaanermut immikkoortortaq innuttaasunut aamma susassaqarfimmut oqartussaasumut nassiunneqartussamik nassuiaasiussaaq

Ingerlatsivimmit aningaasatigut sulisoqarnikkullu naliliinerit

Ingerlatsiviup nalilerpaa, suliap ingerlanneqarnerani ukiumut suliarisinnaasat 1/5-ip nalinganik atuiffiussasoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq .

Inatsisitigut tunngavissaaq allakkallu tunngaviusumik uppernarsaatitalit

- o Allannugtsaaliuisussaanermik nalunaarut 21.04.2021 malillugu qanoq ingerlatsisoqarnissaa pillugu nassuiaat
- o Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq
- o Illut immikkoortortallu eriagisariaqartut takussutissartaat jan. 2015

Siusinnerusukkut aalajangiinerit

Sanarfinermut Avatangiisinullu Ataatsimiititaq 24.02.22:

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut matumuuna inassuteqaatigaa:

- Ittoqqortoormiini B-22-p eriagisaanerata atorunnaarsinneqarnissaanik suliap ingerlateqqinneqarnissaanik ingerlatsiviup inassuteqaataa akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Inassuteqaat akuersissutigineqarpoq.

Ilanngussaaq

1. B-22-ip, Ittoqqortoormiit eriagisaanerata atorunnaarsinneqarnissaanik qinnuteqaat
2. Allannugtsaaliuisussaanermik nalunaarut 21.04.2021 malillugu qanoq ingerlatsisoqarnissaa pillugu nassuiaat
3. Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq
4. Bevaringsvaerdige_bygninger_og_omraader_oversigt_jan_2015

Punkt 8: Nunaminertap 4A8-p Ningitsiviup sanaartorfissagissarneqarnissaa

Beslutning

Inassuteqaat akuersissutigineqarpoq.

Bilag

Missingiutit

Nunap assinga

Nunaminertap 4A8-p Ningitsiviup sanaartorfissagissarneqarnissaa

Eqiterinermut atatillugu sanaartorfissagissaanermut aningaasartuuteqarneruneq

Aalajangiiffigisassaq

SagsID.: EMN-2022-01018

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- sanaartorfissagissaanermut aningaasartuuteqarnerunissaq akuersissutigineqassasoq

Suliamik saqqummiussineq

Sanarfinermut Avatangiisinullu Ingerlatsivik 2017-imi Nuummi Qinnigutsinni inissisimasumut immikkuualuttumut 4A8-mut kommunimut pilersaarummut tapiliussamik suliaqarpoq.

Inissialiornissamut sanaartorfissat 42-t atugassiissutigineqarput, pilersaarutaavorlu taakku akuleriissinneqassasut, tassa ilaqutariinnut ataatsimut illunut, illunut affarleriinnut aamma inissianut uigusatut isikkulinnut imminnut nikingasunut Kingulliit taaneqartut quleriit marluk tikillugit portutigisunik sanaartorneqarsinnaapput. Maannakkut immikkoortoq sanaartorfissagissarneqarpoq, tassungalu NCD sanaartortitsisuuvoq.

Nuummi inissianik 1800 ilasinissamik politikikkut anguniakkamut atatillugu immikkuualuttoq 3-mi, inissianut uigusatut isikkulinnut imminnut nikingasunut atugassanngortinneqarsimasumi, quleriit pingasut tikillugit immikkuualuttumi sanaartortoqarsinnaanersoq ingerlatsivimmit misissorneqarpoq. Tamanna immikkuualuttoq 4A7 Pinnguaqqami, 4A8-p kangiutungaani inissisimasumi, maanna ineriartortitsinermut ataqatigiissoq suliatigut nalilerneqarpoq (ilanngussaq 2 takuuk). Sanaartorfissat taakku 17-it quleriinnik ataatsimik ilanerisigut 4000 m²-t miss. ilaneqassapput, taamaalilluni immikkoortumi inissiat 30-t aamma 40-t akornannik ilaneqarsinnaassapput.

Taamaattorli inissiat amerlinerisigut biilit unittarfii amerlanerit kiisalu pilersuinerup ilaatigut annertusineqarnissaa pisariaqartinneqalissapput. Ingerlatsivimmit NCD-mut aningaasaqarnikkut kingunerisinnaasat misissoqquneqarsimapput, taakkulu 2 mio. kr. miss. naleqassapput (ilanngussaq 1) Sanaartorfissagissaanermut aningaasartuutit tamakkiisut nunaminertanik atuisinnaasunut agguataarneqassapput, aningaasartuutaanerillu sanaartorfissagissaanermut naatsorsuutitut tamakkiisunut ilaassapput. Tassa aningaasartuutaanatik akiliussinermut tunngasuupput.

Periuseq atorineqartartoq tassaavoq, sanaartorfissagissaanermut akiliutit nunaminertamik atugassiinermut atatillugu akiligassiissutigineqartarnerat.

Immikkoortumi eqiterinermi kommunimut pilersaarummut tapiliussaq pioreersoq nutarterneqartariaqassaaq. Nuummi inissiat ilaneqarnissaannut tunngasut siuarsarniarlugit tamanna akuersissutigineqareerpat ingerlatsivimmit aallartinneqassaaq

Ingerlatsivimmit aningaasatigut sulisoqarnikkullu naliliinerit

Nunaminertat 2023-p naanerani atugassiissutigineqassasut aamma nunaminertamik atuisinnaasut 2024-mi atugassinneqarnissaat naatsorsuutigineqarpoq, tamatumalu kingorna sanaartorfissagissaanermut aningaasartuutit tamakkiisut kommunimut matussuserneqassapput.

2022-mit 2030-mut sanaartugassanut missingersuutini politikikkut akuersissutaasuni sanaartorfissagissaanermut aningaasaliissutigineqarput:

<i>Ukioq missingersuusiorfik 2022</i>	<i>Ukiut missingersuusiorfiit 2023</i>	<i>Ukiut missingersuusiorfiit 2024</i>
14.350 t.kr.	14.350 t.kr.	3.050 t.kr.

Konto pingaarnermi A60-070103-007 Attaveqarnermut sanaartorfissagissaanermullu aningaasaliissutit 2023-mi aamma 2024-mi aningaasanik atorneqarsimanngitsunik peqartoq erseqqissaassutigineqassaaq, taakkulu 12.500 t. koruuninik 2023-mi aamma 20.000 t.koruuninik aningaasartaqartut aningaasartuuteqarnerunermut matussusiissutigineqarsinnaapput, matumani suliamik saqqummiussineq politikikkut akuersissutigineqassappat.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivimmit naliliisitsisoqanngilaq pineqartoq kommunip missingersuutaaneereermat.

Inatsisitigut tunngavissaq allakkallu tunngaviusumik uppersaataatallit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-meersoq
- Sanaartugassanut missingersuutit politikikkut akuersissat 2022-mit 2030-mut
- Suleqatigiinnissamik isumaqatigiissut 2021-2025

Siusinnerusukkut aalajangiinerit

Sanarfinermut Avatangiisinullu Ataatsimiititaq 24.02.22:

Inassuteqaat akuersissutigineqarpoq.

Ilanngussaq

1. Missingiutit
2. Nunap assinga

Punkt 9: Imigassanik aalakoornartulinnik sassaallinissamut akuersissummut type B-mik qinnuteqaat

Beslutning

Paasissutissat killeqarneri peqqutigalugit, oqaluuserisassaq ataatsimiinnissamut tullermut kinguartinneqarpoq, tamatumani qulaajaanissaq aamma siunertaralugu.

Imigassanik aalakoornartulinnik sassaalliinissamut akuersissummut type B-mik qinnuteqaat

Aalajangiiffigisassaq

SagsID.: EMN-2022-02297

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- Kaffivik ApS, Jørgen Wæver Johansen, Nuukullak 35, ini 7, 3900 Nuuk, imigassanik aalakoornartulinnik sassaalliinissamut akuersissut type B pillugu qinnuteqaat akuersissutigineqassasoq

Suliassamik saqqummiussineq

Suliffeqarfimmut Kiffartuussivimmit Kaffivik ApS, Nuukullak 35, ini 7, 3900 Nuuk Jørgen Wæver Johansen-mit imigassamik aalakoornartortalimmik type B-mik imigassanik aalakoornartulinnik sassaalliinissamut qinnuteqaat tiguneqarpoq.

Imigassaq pillugu Inatsisartut Inatsisaat nr. 35, 23. november 2017-imeersoq naapertorlugu imigassamik sassaallersinnaanermut akuersissummut siullermeersumik qinnuteqarnermik paasisutissat tamarmik Suliffeqarfimmut Kiffartuussivimmit pissarsiarineqareerput.

Tamatuma saniatigut qinnuteqaat Kalaallit Politiit, Qatserisartoqarnermut Oqartussaasut, Meeqqanut Ilaqutariinnullu Ingerlatsivik aammalu Suliffeqarfimmut Kiffartuussivik, Peqqinnermut Sammisassaqaartitsinermullu Immikkoortortaqaarfik tusarniaassutigineqarpoq, tamannalu oqaaseqaateqarfineqarsimanngilaq.

Suliffeqarfimmut Kiffartuussivimmit Kaffivik ApS imigassanik aalakoornartortalimmik sassaallersinnaanermut akuersissummik type B-mik tunineqarnissaanut piumasaqaatinik naammassinnittutut nalilerneqarpoq.

Imigassaq pillugu akuersissutit ukiunut pingasunut atuuttusanngorlugit tunniunneqartassapput.

Kommuneqarfik Sermersuumi Kommunalbestyrelse tunngaviusumik akuersissuteqartarnermut atatillugu politikki malillugu imigassamik sassaallersinnaanermut qinnuteqaatinut itigartitsinermi tulluuttut tunngavigineqartarput:

- Suliffeqarfinni kantiinat imigassaqarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffisorniarfiit aamma grillbarit sassaalliisarfiillu assigisaat imigassanik kimittuunik tuniniaasussaasariaqanngillat. Taamaattorli sassaallertartut imigassanik kimikitsunik sassaallertarnissaat Kommunalbestyrelsimit aalajangerneqarsinnaavoq

Suliali ataasiakkaat naliliiffigineqartassapput aalajangersimasumik nalilersuinissamut periarfissaqartassammat.

Kommuneqarfik Sermersuumi imigassamik sassaallersinnaanermut akuersissuteqarnermik aalajangersimasumik periusaavoq akuersissuteqartarnermut atatillugu Kommunalbestyrelsip politikini malillugu assigiissaarinissamut toqqammaviusoq tulluuttut tunngavigalugit allatut aalajangiissalluni:

- Najugaqarfiit eqqaanni sassaalliisarfiit nutaat Kommunalbestyrelsimit illoqarfiup pilersarusiorneqarnera naapertorlugu itigartissallugit nalunaarfisinnavaai

- Sumiiffinni arlalinnik sassaalliisarfeqartoqarpat Kommunalbestyrelsimit itigartitsissutigineqarsinnaavoq, assersuutigalugu nutaamik sassaalliisartoqalerpat akuersissutinik peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pisinnaasoq annilaanngatigineqarsinnaammat

Pisuni allani tamakkiisumik naliliinerit tunngavigalugit imigassartornermi naleqquttumik ileqqoqarnissap qulakkeerneqarnissaanut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimit itigartitsisoqarsinnaavoq, sassaalliiniartut assersuutigalugu timersortarfiit assigisaasalu allat qanittuanni inissisimappata, taakkuummatami inuusuttunit ornigarneqarluartut

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnavianngilaq.

Suliffeqarfimmut Kiffartuussivimmit aningaasatigut naliliineq

Pingaaruteqanngilaq.

Inatsisitigut tunngavissaq allakkallu tunngaviusumik uppersaattallit

- o Inatsisartut Inatsisaat nr. 35, 23. november 2017-imeersoq
- o Imigassaq pillugu Inatsisartut inatsisaata allanngortinneqarnera pillugu Inatsisartut inatsisaat nr. 9, 12. juni 2019-imeersoq
- o Inuit imigassanik aalakoornartulinnik nioqquteqartarfiit sassaallertarfiillu aaqqissuunneqarneri atornerarlu pillugit Namminersornerullutik Oqartussat Nalunaarutaat nr 19. ulloq 29. marsi 1990-imeersoq
- o Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- o Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlulit Oqartussat nalunaarutaat nr. 4, 4. marsi 2011-meersoq
- o Imigassaq pillugu politikki, Kommuneqarfik Sermersooq, oktobari 2020

Ilangussat

Soqanngilaq.

Punkt 10: Immikkut ittumik ataasiaannartumik imigassallersinnaanermut akuersissummik qinnuteqaat

Beslutning

Inassuteqaat akuersissutigineqarpoq.

Bilag

Immikkut akuerisassanngorlugu qinnuteqaat

Immikkut ittumik ataasiaannartumik imigassallersinnaanermut akuersissummik qinnuteqaat

Aalajangiiffigisassaq

SagsID.: BOG-2021-03359-001

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Ataatsimiititamut inassuteqaatigaa:

- qinnuteqaat akuerineqassasoq

Suliassamik saqqummiussineq

Akisuanerit Festival immikkut ittumik ataasiaannartumik imigassallersinnaanermut akuersissummik qinnuteqaammik tunniussaqarpoq, tallimanngorneq september 30.-ani aammalu arfininngorneq oktoberip 1.-ani 2022 nal. 21:00-miit nal. 03:00-ip tungaanut atugassamik.

Kommuneqarfik Sermersuumi imigassaq pillugu qinnuteqarfissaq atuuttoq naapertorlugu ataasiaannartumik imigassallersinnaanermut akuersissutit taamaallaat nal.: 01:00 tikillugu tunniunneqarsinnaasut. Imigassaq pillugu inatsit naapertorlugu nal. 03:00 tikillugu immikkut ittumik ataasiaannartumik imigassallersinnaanermut akuersissuteqartoqarsinnaavoq.

Taamanikkornissaanut Naalakkersuisut killilersuutini pilersitsisimassappata, tamakku malinneqarnissaat piumasarineqarpoq.

Ingerlatsivimmit aningaasatigut sulisoqarnikkullu naliliinerit

Soqanngilaq.

Suliffeqarfimmut Kiffartuussivimmit aningaasatigut naliliineq

Soqanngilaq.

Inatsisitigut tunngavissaq allakkallu tunngaviusumik uppersaattallit

- Imigassaq pillugu Inatsisartut Inatsisaat nr. 35, 23. november 2017-imeersoq
- Imigassaq pillugu Inatsisartut inatsisaata allanngortinneqarnera pillugu Inatsisartut inatsisaat nr. 9, 12. juni 2019-imeersoq (Inuusuttut imigassanik aalakoornartulinnik sassaalliuteqartarfinni piffissami qaqugu isersimasinnaanerannik allanngortitsineq, niuertarfinni nioqquteqarnermut piffissat ammaffiusartut sivitsorneqarnerat, imigassanik aalakoornartortalinnik ussasaarinerimik inerteqqutip atorunnaarsinneqarnera; imigassat aalakoornartortallit niuertarfinni assiaqusersorneqarnissaannik atorunnaarsitsineq aamma inuit sassaalliuteqartarfinni isersimanissaannik inerteqquteqarfigineqarsimasut pillugit paasissutissanik ingerlatitseqqinnissamut periarfissaliissut)

Ilanngussat

1. Immikkut akuerisassanngorlugu qinnuteqaat

Punkt 11: Nuummi Najukkami Ataatsimiititaliap 2022-mi aningaasaliissutinik atuinissaa

Beslutning

Inassuteqaat akuersissutigineqarpoq.

Bilag

2022-mut aningaasaliissutinik atuineq

Kommuneqarfik Sermersuumi Najukkami Ataatsimiititaliami 2022-mut aningaasaliissutinik agguaassineq

Nuummi Najukkami Ataatsimiititaliap 2022-mi aningaasaliissutininik atuinissaa

Aalajangiiffigisassaq

SagsID.: EMN-2022-01720

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- Nuummi Najukkami Ataatsimiititaliami aningaasaliissutininik atuinissaq akuersissutigineqassasoq

Suliamik saqqummiussineq

Kommunip illoqarfiini tamani najukkami ataatsimiititalianik pilersitsisoqarnikuuvoq, taakkulu aningaasaliissutitaqarput. Matumani Nuummi Najukkami Ataatsimiititaliap 2022-mut aningaasaliissutit pingaarnersiorlugit agguataarinissaanut siunnersuut Aningaasaqarnermut Inuussutissarsiornermullu Ataatsimiititamut saqqummiunneqarpoq.

Nuummi Najukkami Ataatsimiititaliamut 2022-mut aningaasaliissutit agguataarneqarnerat Aningaasaqarnermut Inuussutissarsiornermullu Ataatsimiititamut akuersissutigisassanngorlugit ulloq 20. decembari 2021-mi saqqummiunneqarpoq (ilanngussaq 2). Imatullu aalajangiisoqarpoq:

Nuummi Najukkami Ataatsimiititaliap siunnersuutitut saqqummiussaa taamatut isikkoqartillugu akuerineqanngilaq. Ataatsimiititamit kissaatigineqarpoq, aningaasanik agguataarineq ersarissarneqarnerullunilu sukumiinerusumik allaaserineqassasoq.

Nuummi Najukkami Ataatsimiititaliap ataatsimiititap kissaataa malillugu iliorpoq, 2022-milu aningaasaliissutininik atuinissaq itisiliiffigalugu. Najukkami Ataatsimiititaliamut aningaasaliissutit annertussusii kiisalu immikkoortukkaartumik missiliuussat ilanngussaq 1-imi saqqummiunneqarput. Immikkoortuni tamani aningaasaliissutit suliniutinut suliassanullu aalajangersimasunut atugassiissutigineqarsinnaapput, Najukkami Ataatsimiititaliamit namminermit imaluunniit Najukkami Ataatsimiititaliamit aningaasaliiffigineqarnissamik qinnuteqaateqarsimasunit innuttaasunit peqatigiiffinniilluunniit aqqissuunneqartumik. Ilanngussami 1-imi aningaasat annertussusilerneqarneri najoqqutassiaapput.

Najukkami Ataatsimiititaliap 2022-mut aningaasaliissutininik atugassiissuteqarnermini suliniutissat/suliassat ileqqoreqqusani §2 imm 5-imi aningaasaliissutissat atornissaannut piunasaqaatinut Najukkami Ataatsimiititaliamit aalajangersarneqarsimasunut naapertuuttuunersut pingaartissavaa. Suliniutissat aamma suliassat tamarmik ingerlatsiviit attuumassuteqartut qanimut suleqatigalugit ataqatigiissarneqassapput.

Borgmesteri Charlotte Ludvigsen Aningaasaqarnermut Inuussutissarsiornermullu Ataatsimiititaliami siulittaasutut suliniutinik sisamanik Nuummi Najukkami ataatsimiititaliamut aningaasaliissutininik qinnuteqaatigineqarsimasunut siulittaasutut akuersissuteqarsimavoq. Siuliniutit siulittaasutut akuersissutigineqasimaneranut pissutaavoq najukkami ataatsimiititaliami aningaasaliissutininik atuisinnaanissamut sinaakkutinut naapertuummata aammalu suliniutit najukkami ataatsimiititaliamiit allaffeqarfiimiillu akuersissutigineqareersimammata. Suliniutit uku pineqarput:

- Nuuk Snow Festival 2022 – 150.000 kr.
- Nalunaarsuineq aammalu Anne-Birthe Hove 2022 pillugu saqqummersitsinerit tallimat - 84.000 kr.
- Katuaq ukiuni 25-ini – 140.000 kr.
- Cykel Drengene 40.000 kr.

Suliniutitut akuersissutigineqarsimasunut aningaasartuutit tamakkiissumik aningaasaliissutiniit tiguneqarsimapput. Ilangussaq 1-mi tamanna takuneqarsinnaavoq.

Ingerlatsivimmit aningaasatigut sulisoqarnikkullu naliliinerit

Ingerlatsivik aningaasatigut atugassanut allanik oqaaseqaatissaqanngilaq, takussutissiami aningaasat missingersuutaammata. Suliniutissatut siunnersuutitut ingerlatsivik oqaaseqaateqarpoq. Oqaaseqaatit ilangussaq 1-imi takuneqarsinnaapput.

Suliffeqarfimmut Kiffartuussivimmit aningaasatigut naliliineq

Soqanngilaq.

Inatsisitigut tunngavissaq allakkallu tunngaviusumik uppersaattallit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi kapitali 4, § 32.
- Najukkami Ataatsimiititaliamut ileqqoreqqusaq
- Najukkami Ataatsimiititaliap suleriaasissaa

Ilangussat

1. 2022-mut aningaasaliissutini atuneq
2. Kommuneqarfik Sermersuumi Najukkami Ataatsimiititaliami 2022-mut aningaasaliissutini agguassineq

Punkt 12: Kommunimut pilersaarummut tapiliussamut siunnersuut 2D2-2 Iggiaa

Beslutning

Inassuteqaat akuersissutigineqarpoq.

Bilag

Kommunimut pilersaarummut tapiliussassatut siunnersuut 2D2 Iggiaa, Nuuk

Kommunimut pilersaarummut tapiliussamut siunnersuut 2D2-2 Iggiaa

Aalajangiiffigisassaq

SagsID.: EMN-2022-00902

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussamut siunnersuut 2D2-2 Iggiaa, Nuuk, tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliamik saqqummiussineq

Sanarfinermut Avatangiisinullu Ingerlatsivimmit matumuuna kommunimut pilersaarummut tapiliussamut siunnersuut 2D2-2 Iggiaa, Nuuk, matumuuna saqqummiunneqarpoq. Matumani kommunimut pilersaarummut tapiliussassaq immikkoortup sanaartorfigineqannginnissaa aamma sunngiffimmut atorneqarnissaa attassiinnarpoq (D), tassaniissinnaappullu sunngiffimmut atortut sukisaarsarfillu (D2). Immikkoortulli immikkoortumi killilernerqarnera nutarterneqassaaq, peqatigitillugulu immikkuualuttunut A-mut aamma B-mut avinneqarluni.

Matumani kommunimut pilersaarummut tapiliussami, 2D2-2, Iggiaa, sanaartorfissat marluk nunniornissamut talittarfiliornissamullu atugassiissutigineqarput. Saniatigut ikaartarfinnik puttasunik kiisalu biilnut uninngasarfeqarnissamik periarfissaqassaaq .

Matumani kommunimut pilersaarummut tapiliussami immikkuualuttut marluk

sanaartorfissanngortinneqartut:

- Immikkuualuttoq A ikaartarfinnut puttasunut talittarfimmullu atugassanngortinneqarpoq
- Immikkuualuttoq B nunniugassanngortinneqassaaq, umiatsianut puttasunut, talittarfimmut kiisalu biilnut uninngasarfissamut atugassanngortinneqarpoq

Sanaartorfissiat

Immikkoortup ilaani 2D2-mi sanaartorfissiat marluk atugassanngortinneqarput, taakkulu tulliuttumi erseqqinnerusumik ima nassuiarneqartut:

B1: Talittarfissamut nutaamut atugassanngortinneqarpoq, siunissami umiatsianut puttasut pilersinneqarnissaannut aqqutissiuisumik.

B2: Nunniorfissanngortinneqarpoq.

Kommunimut pilersaarummut tapiliussassatut siunnersuut 2D2-2 tamanut sapaatip akunnerini 8-ni tusarniaassutigineqarpoq. Tamatuma kingorna tusarniaanermi akissuteqaatit suliarineqassapput, taakkulu iluarsissutaasinnaasut allat ilanngullugit inaarutaasumik aalajangiiffigineqannginneranni, politikikkut aappassaaneerneqarnissaannut ingerlateqqinneqassapput. Matumani Kommunimut pilersaarummut tapiliussassatut siunnersuutip 2D2-2 akuersissutigineqarneratigut 2D2-1 atorunnaarsinneqassaaq.

Naalagaaffiit Pegatigiit nunarsuaq tamakkerlugu anguniagaat



Anguniagaq 11: Illoqarfiit najukkamilu inuiaqatigiit piujuartitsisut ^[11] - Pilersaarummut tapiliussap illuliortaatsip qajannaatsup init inissaqarluartut akunnilersorluarsimasullu, piffissap ingerlanerani atortuarneqarsinnaasut ineriartormullu malinnaasut neqeroorutigineqarsinnaanissaat qulakkiissavaa.

- Pilersaarummut tapiliussakkut qulakkeerneqassaaq, kikkut tamat isumannaatsumik angallassinnaajuarnissaat illoqarfimmilu sukisaarsaarfissaqqissuni atuisinnaanissaat.



Anguniagaq 12: Akisussaassusilimmik atuineq nioqqutissiornerlu- Pilersaarummut tapiliussap sanaartukkat patajaatsunik, nungullariartoratik piffissap ingerlanerani kusatsikkiartortartunik, sananeqarnissaat qulakkiissavaa.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq illoqarfimmi pilersaarusiortumut ataatsimut ukioq naallugu suliffiit 1/10 atorneqartarput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. novembari 2010-meersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiine

Sanarfinermut Avatangiisinullu Ataatsimiititaq 24.02.22:

Inassuteqaat akuersissutigineqarpoq.

Ilanngussaq

1. Kommunimut pilersaarummut tapiliussassatut siunnersuut 2D2 Iggiaa, Nuuk

Punkt 13: Kommunimut pilersaarummut tapiliussamut siunnersuut 4B1-2, Naternaq, Nuuk

Beslutning

Inassuteqaat akuersissutigineqarpoq.

Bilag

Kommunimut pilersaarummut tapiliussamut 4B1-2, Naternaq, Nuuk, siunnersuut

Kommunimut pilersaarummut tapiliussamut siunnersuut 4B1-2, Naternaq, Nuuk

Aalajangiiffigisassaq

SagsID.: EMN-2022-00470

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussamut siunnersuut 4B1-2, Naternaq, Nuuk tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 4B1-2, Naternaq, Nuuk., matumuuna saqqummiunneqarpoq.

Pilersaarusiortfigineqartoq 4B1 Naternaq 8,3 ha-it missaannik isorartussuseqarpoq, qoorortamiilluni immamiit 40 meterit missaannik qatsitsigisumiilluni, Ukkusissat/Store Malenep 800 meterinik portussusillip paavaniilluni. Sumiiffik suliffeqarfiliortfissatut atugassiissutigineqassaaq, soorlu allaffeqarfiit, entreprenøreqarfiit, toqqorsiviit aamma quersuit, assassornermik suliaqarfiit, sannaviit, bussit illutassaat, tunisassiorfiit, angallassissutit, suliffissuit, ilioraaffiit, amerlasuunik pisiniarfiit teknikkikkullu atortulersuuteqarfiit.

Kommunimut pilersaarummut tapiliussami matumani suliniutinik arlalinnik aallartitsisoqarsinnaavoq, inissakilliornemik iluaallatsitsisinnaasunik (nunaminertat iluanni aammalumi sanaartorfioqquusaanngitsuni), aputaajaanermut tunngatillugu, biilit unittarfiinut aammalu immikkoortup ilaani isumannaatsumik angallannermut tunngatillugu. Sumiiffik sanaartorfissamik sinneqarunarpog, taamaattumillu sinnaa avalleq atuarlugugu annertusaasoqarsinnaalluni. Nunaminertat qanittuaniittut arlallit nunaminertamik atuinissamik piginnittumit taassuminnga atorineqartut ataatsimoortinneqassapput, suliffeqarfinnut inissiiffissanullu eqaannerusumik inissaqartitsiniarluni.

Nunaminertat kujasissumiittut kommunimut pilersaarummut tapiliussaq 4B1-1 akuersissutigineqarmalli annertusineqarnikuupput, mittarfiliornermut atatillugu nunaminertamik atuinissamik akuerineqartunut taartissatut. Angissutsit inissisimaffiillu taamaasillutik pilersaarummut uunga atatillugu nutarterneqassapput.

Immikkoortup ilaata avannamut kangimut sammernigani sanaartorfissiat 30-t angallassissutitut oqimaatsunut inissiiffiliornissamut atugassiissutigineqarput, taakkununga ilanngullugit usisaatinut bussinullu. Tamaani biilit uninngasarfiinik nutaanik akiliuteqartitsilluni atorineqarsinnaasunik pilersitsineq eqqarsaatigineqarmat.

Siunnersuut tamanut tusarniaassutigineqassaaq sapaatip-akunnerini arfineq-pingasuni.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq illoqarfimmi pilersaarusiortumut ataatsimut ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaarsaatitallit

- Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. novembari 2010-meersoq
- Inatsisartut inatsisaat nr. 34, 9. december 2015-meersoq
- Kommunimut pilersaarut digitaliusoq www.kp.sermersooq.gl

Siusinnerusukut aalajangiine

Sanarfinermut Avatangiisinullu Ataatsimiititaq 24.02.22:

Inassuteqaat akuersissutigineqarpoq.

Ilanngussaq

1. Kommunimut pilersaarummut tapiliussamut 4B1-2, Naternaq, Nuuk, siunnersuut

Punkt 14: Kommunimut pilersaarummut tapiliussap 3A9-1 Nuussuup Manngua, Nuuk, akuersissutigineqarnera

Beslutning

Inassuteqaat amerlanerussuteqartunit akuersissutigineqarpoq.

Siumumit ikinnerussuteqartutut oqaaseqaat: Sanarfinermi Avatangiisinullu ataatsimiititami ataatsimiinnermi Siumumit ikinnerussuteqartutut oqaaseqaatip attatiinnarnissaa kissaatigineqarpoq.

Bilag

Tusarniaanermut akissutitik suliaqarneq

Tusarniaanermi akissutit tiguneqartut

Kommunimut pilersaarummut tapiliussaq 3A9-1 Nuussuup Manngua, Nuuk

Kommunimut pilersaarummut tapiliussap 3A9-1 Nuussuup Manngua, Nuuk, akuersissutigineqarnera

Aalajangiiffigisassaq

SagsID: EMN-2021-12734

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommunimut pilersaarummut tapiliussaq 3A9-1, Nuussuup Manngua, Nuuk, akuersissutigineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliamik saqqummiussineq

Sanarfinermut Avatangiisinullu Ingerlatsiviup kommunimut pilersaarummut tapiliussaq 3A9-1 Nuussuup Manngua, Nuuk, matumuuna saqqummiuppaa. Kommunimut pilersaarummut tapiliussaq siunnersuutitut sapaatip-akunnerini arfineq-pingasuni tamanut tusarniaassutigineqarpoq, piffissami novembarip ulluisa 15-ianniit januaarip ulluisa 19-iata 2022-p tungaanut.

Piffissami tusarniaaffiusumi tusarniaanermut akissuteqaatit arfineq-marluk pissarsiarineqarput, taakkulu oqaaseqatigiinnik annikitsunik allannguuteqartitsinermik kinguneqarput, tamannalu llanngussaq 1-imi takuneqarsinnaavoq.

Kommunimut pilersaarummut tapiliussassami 3A9-1-imi Nuussuarmi inuusuttunut utoqqarnullu naatsorsuussanik inissialiornissamut periarfissiisoqassasoq, taannalu marsip ulluisa aappaanni 2021-imi kommunalbestyrelsimut akuersissutigineqarpoq.

Pilersaarummi immikkoortoq nutaaq inissialiorfissatut immikkoortinneqarpoq 3A9, 3C2 aamma 3C5 ataatsimoortinnerisigut 3A4 aamma 3D1-ip ilaatut.

3C2 aamma 3C5 ullumikkut vandrehjemmiliorfissatut oqaluffiliorfissatullu immikkoortinneqarnikuugaluarput.

3A4 Siaqqinnerup kangiani inissiaqarfiuvoq.

3D1 sanaartorfioqqusaanngilaq, Annersuaq/ Angajua kaajallallugu.

Immikkoortup ilaa nutaaq immikkoortut ilaannut pingasunut agguataarneqassaaq:

Immikkuualuttoq 1: Peter Thårup Høeghip Aqq. kujataata tungaani Nuussullu kitaatungaani inissisimavoq. Tassani sanaartorfissat sisamat tikillugit qulereeqartussanik inissialiorfissat arfineq pingasut immikkoortinneqarput.

Immikkuualuttoq 2: Peter Thårup Høeghip Aqq. avannaata tungaani, tamaani Siaqqinneq allanngortitissaaq kaajallattarissamillu pilersitsisoqarluni. Tamaani sisamanik quleriinnik sisamat tikillugit portussusilinnik inissialiornissamut immikkoortitsisoqassaaq.

Immikkuualuttoq 3: Sumiiffiup Annersuaq/ Angajua avannamut kimmutoq ilaani. Tamaani sanaartorfissaq ataaseq immikkoortinneqarpoq, qitiusoqarfimmik sanasoqarsinnaavoq quleriit pingasut tikillugit portussusilinnik.

Pilersaarutitut siunnersuutip tamanut tusarniaassutigineqarneranut atatillugu Biskoppeqarfik, Qeqqata aamma Tunup Provsteqarfia, Ilageeqarnernut Naalakkersuisoqarfik kiisalu pilersaarummik piginnittut ataatsimeeqatigineqarput immikkuualuttup ilaani 3C2-mi oqaluffiliorfissamut pilersaarutit paasiniarniarlugit.

Isumaqatigiissutigineqarpoq immikkuualuttup ilaani 3-mi qitiusoqarfimmut atatillugu oqaluffittut inimik pilersitsinissaq aaqqiissutitsialaassasoq.

Pilersaarummi inissialiornissat saniatigut pineqarput najugallit eqqaamiuisalumi sukisaarsarfissaannik pilersitsinissaq. Tassani ilaallutik basketball bane, uninngaarfik kiisalu illu qitiusoqarfik, tassanilu eqqarsaatigineqarluni timersorfissamik sunngiffimmilu sammisassanik periarfissaqartitsisoqassasoq, cafe aamma oqaluffimmiisulli nalliuttunilu naalagiarfiusinnaasoq.

Ingerlatsivimmit aningaasatigut sulisoqarnikkullu naliliinerit

Pilersaarutitut tunngasut suliarineqarneranni aningaasatigut sulisoqarnikkulluunniit kinguneqassanngilaq. Sanaartugassatut qinnuteqaatip akuersissutigineqarneranut atatillugu nunaminertamik inniminniineq tunngavigalugu kommunimut pilersaarummut tapiliussaq suliarineqarpoq.

Pilersaarutitut siunnersuummi sanaartorfissagissaanissaq il. il. pilersaarummik piginnittup akilissavaa. Aamma taamaappoq aqquserngup allanngortinneqarnissaanut atatillugu nutaamillu kaajallattarfiliornissamut tunngatillugu.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit

Sanarfinermut Avatangiisinullu Ataatsimiititaq 24.02.22:

Inassuteqaat akuersissutigineqarpoq.

Ikinnerussuteqarluni Siumumiit oqaaseqaat: Kissaatigissavarput suleriuseq siunissami kikkunnut tamanut assigiissasoq, akerliussuteqarneq qanorluunniit ikkaluarpat.

Ilanngussaq

1. Tusarniaanermut akissutiniq suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliussaq 3A9-1 Nuussuup Manngua, Nuuk

Punkt 15: Kommunimut pilersaarummut tapiliussap 4B7-1, Niaqornannguaq Nuuk akuersissutigineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutiniq suliaqarneq

Tusarniaanermi akissutit tiguneqartut

Kommunimut pilersaarummut tapiliussaq 4B7-1 Niaqornannguaq Nuuk

Kommunimut pilersaarummut tapiliussap 4B7-1, Niaqornannguaq Nuuk akuersissutigineqarnera

Aalajangiiffigisassaq

SagsID.: EMN-2021-12694

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamat inassuteqaatigaa:

- Kommunimut pilersaarummut tapiliussassatut siunnersuut 4B7-1 Niaqornannguaq, Nuuk, akuerineqassasoq
- suliaq akuersissutigisassanngorlugu Kommunalbestyrelsimut ingerlateqqinneqassasoq

Suliamik saqqummiussineq

Sanarfinermut Avatangiisinullu Ingerlatsiviup kommunimut pilersaarummut tapiliussatut siunnersuut 4B7-1 Niaqornannguaq, Nuuk, matumuuna saqqummiuppaa. Kommunimut pilersaarummut tapiliussaq siunnersuutitut sapaatip-akunnerini arfineq-pingasuni tamanut tusarniaassutigineqarpoq, piffissami novembarip ulluisa 12-iannit januaarip ulluisa 17-iata 2022-p tungaanut. Piffissami tusarniaaffiusumi tusarniaanermut akissuteqaatit pingasut pissarsiarineqarput, taakkulu oqaaseqatigiinnik annikitsunik allannguuteqartitsinermik kinguneqarput, tamanalu llanngussaq 1-imi takuneqarsinnaavoq.

Kommunimut pilersaarummut tapiliussap Nuummi Atortussiassanik Suliaqarfik, juunip aallaqqaataanni 2021-imi kommunalbestyrelsimit akuersissutigineqartoq periarfissaalersissavaa.

Pilersaarummut ilanngullugu immikkoortup ilaa 4B7 immikkoortinneqarpoq, tassanilu atortussiassanik suliaqarfimmik pilersitsisoqarsinnaavoq, ujaqqanik sioqqanillu tulaassuiffiullunilu nassiussisarfeqassalluni, aserorteriveqassalluni aammalu atortussiassanik immikkoortiteriveqassalluni, atortussiassanillu assigiinngitsunik inaalitsiviussalluni. Atortussiassat inaalitsivinnut qarmakkanut immikkoortitigaassapput. Tamatuma saniatigut pilersaarummi umiarsualiviliornissaq, illunillu ataasiakkaanik suliffeqarfimmut atasunik sananissaq periarfissaalissaq.

Immikkoortoq ullumikkut inuussutissarsiorfissatut umiarsualiviliorfissatullu immikkoortinneqarpoq, inissisimaffiatu mittarfittaassap eqqaaniinnerna pissutigalugu, soorlu allaffeqarfiliorfissatut assigisaannillu tunngasunik inuussutissarsiuteqarfissatut naleqqutinngitsutut nalileneqarpoq. Pilersaarummut tapiliussaq illoqarfiit pingaarnersaannut periusissiami Kommunalbestyrelsip takorluukkatut oqaasertaliussaanut pilersaarut, aammalu Nuummi inuussutissarsiuteqarfiit katersuuffissaatut immikkoortinneqartumut pitsaasumik ilassutaasutut nalileneqarpoq.

Pilersaarummut tapiliussaq Kommunalbestyrelsimit akuersissutigineqassappat, nunaminertamik atuinnissaq sanaartornissamullu akuersissut tunniunneqassapput, maani periuseq malillugu.

Ingerlatsivimmit aningaasatigut sulisoqarnikkullu naliliinerit

Pilersaarutitut tunngasut suliarineqarneranni aningaasatigut sulisoqarnikkulluunniit kinguneqassanngilaq. Sanaartugassatut qinnuteqaatip akuersissutigineqarneranut atatillugu nunaminertamik inniminniineq tunngavigalugu kommunimut pilersaarummut tapiliussaq suliarineqarpoq.

Pilersaarutitut siunnersuummi sanaartorfissagissaanissaq il. il. pilersaarummik piginnittup akilissavaa.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaarsaatitallit

- Pilersaarusiorneq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiineq

Sanarfinermut Avatangiisinullu Ataatsimiititaq 24.02.22:

Inassuteqaat akuersissutigineqarpoq.

Ilanngussaq

1. Tusarniaanermut akissutiniq suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliussaq 4B7-1 Niaqornannguaq Nuuk

Punkt 16: Kommunitut pilersaarummut tapiliussap N1-1 – Utoqqarmiut Kangerluarsunnguani erngup nukinganik nukissiorfik (Buksefjorden), nunaannarmut tunngasoq akuersissutigineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutitik suliaqarneq

Tusarniaanermi akissutit tiguneqartut

Tusarniaanermi siunnersuummut akissut N1-1 - nunaannarmi Utoqqarmiut Kangerluarsunnguani erngup nukinganik nukissiorfimmut tunngasoq

Kommunimut pilersaarummut tapiliussap N1-1 – Utoqqarmiut Kangerluarsunnguani erngup nukinganik nukissiorfik (Buksefjorden), nunaannarmut tunngasoq akuersissutigineqarnera

Aalajangiiffigisassaq

SagsID.: EMN-2021-11073

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussaq N1-1 - nunaannarmi Utoqqarmiut Kangerluarsunnguani (Buksefjorden), erngup nukinganik nukissiorfimmut tunngasoq akuerineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliamik saqqummiussineq

Matumuuna Sanarfinermut Avatangiisinullu ingerlatsiviup kommunimut pilersaarummut tapiliussaq Utoqqarmiut Kangerluarsunnguani N1-1 erngup nukinganik nukissiorfiliornissaq, (Buksefjorden), nunaannarmiittoq saqqummiuppaa. Kommunimut pilersaarummut tapiliussaq siunnersuutitut sapaatip-akunnerini arfineq-pingasuni tamanut tusarniaassutigineqarpoq, piffissami 29.09.2021-24.11.2021. Piffissami tusarniaaffiusumi tusarniaanermut akissuteqaatit arfinillit pissarsiarineqarput, taakkulu oqaaseqatigiinnik annikitsunik allannguuteqartitsinermik kinguneqarput, kiisalu:

- Iluarsissuteqarnerit Nukissiorfiit atortuisa periarfissinneqarnissaannut tunngasut, immikkuualuttut ataasiakkaat qanoq periarfissaqarnerinik taakkulu killilersornerinik iluarsissutaasut ilanngullugit
- Inatsisinik tunngaveqartumik Nunatta Katersugaasivia Allagaateqarfialu (NKA) piunasaqarpoq sanaartortoqarnissaa sioqqullugu immikkoortumi qanganitsanik nassaassaqaqarnersoq misissuisoqaqqaartassasoq. Tamanna NKA-p sanatitsisullu akornanni isumaqatigiissutigineqassaaq

Ilanngussaq 1 Tusarniaassummut akissuteqaatinik suliarinninneq takuuk.

Kommunimut pilersaarummut tapiliussaq una Utoqqarmiut Kangerluarsunnguanni nukissiorfiup, Nuummi innaallagissamik pilersuisup annertusineqarnissaanik Namminersorlutik Oqartussat Nukissiorfiillu kissaataat tunngavigalugu suliarineqarpoq.

Nunataq tamangajammi pinngortitaavoq, immikkoortullu ilaa tamanna immikkoortitaavoq, nunaannartut taaneqartarnera pissutigalugu.

Pilersaarummi matumani Kangerluarsunnguup tasersuata Isortorsuullu tasiata akornanni nutaamik sullorsualiortoqarnissaa periarfissinneqassaaq. Taamaaliortoqarniarpoq nukissiorfiup tamakkiisumik piginnaasaa annertusiniarlugu, taamaasilluni siunissami Nuup inuttusiartornera ilutigalugu innaallagissamik pilersorsinnaaniassammagu. Sullorsualiarineqartussami sullorsuup isuani isaariaanilu erngup isaaffiliortoqarluni aniaffiliortoqassaaq, generatorilerlugu/tankilerlugu mikisunillu sulisut initassaannik sanatitsisoqassalluni (upalungaarsimaneq eqqarsaatigalugu). Kiisalu sullorsuup akunnequtissaa. Aamma sullorsuarnut qanittumi isaarissanut atortunut sinneruttunut atortussaasiviliortoqassaaq.

Pilersaarummut tapiliussami matumani aamma nutaamik nukissiorfiliornissaq periarfissaalissaaq, pioreersumut tapertaasussamik.

Aqquserngit sulinermi atugassatsuliarineqarsinnaapput, aqqutiliat imaluunniit illunut, sanaartukkanut allanullu nunaminertamik atuinernut attuumassuteqartunik, ilanngussami inissisimaffissaa innersuussutigalugu. Sulinermit atatillugu aqquserngit, aqqutiliat aqqusineeqqallu tamanit isumannaatsumik tikinneqarsinnaassapput.

Nunaminertamik atuinissamik qinnuteqarfiusut tamarmik oqartussaaffeqarfimmi tamakkuninnga suliaqartartumit tusarniaassutigineqassapput. Tamatumani siunertaalluni, pilersaarutip ASN-mik nassuiaasiornissaq (avatangiisinut sunniutissanik nalilersuineq) imaluunniit pinngortitamut sunniutaasussanik nalilersuinissamut pisussaaffeqartitsineranik naliliinissaq.

Erngup nukinganik nukissiorfimiit sarfaq tamarmi piujuartutut attanneqarsinnaasutullu nalilerneqarpoq. Ilanggullugu oqaatigineqassaaq illut taakkulu ingerlanneqarnissaat innaallagissamik pilersorneqarnermikkut namminerisamik kiassarneqarnermikkut pilersorneqartussaammata.

Kommunimut pilersaarummut tapiliussami matumani nunatap pingaarnertut pilersarusiorfiginissaanut immikkuualuttunik aalajangersaaffigineqarnissaa ilaatinneqarpoq.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq illoqarfimmi pilersarusiortumut ataatsimut ukioq naallugu suliffiit 1/4 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- Pilersarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-meersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiineq

Sanarfinermut Avatangiisinullu Ataatsimiititaq 24.02.22:

Inassuteqaat akuersissutigineqarpoq.

Ilanggussaq

1. Tusarniaanermut akissutitik suliaqarneq
2. Tusarniaanermi akissutit tiguneqartut
3. Tusarniaanermi siunnersuummut akissut N1-1 - nunaannarmi Utoqqarmiut Kangerluarsunnguani erngup nukinganik nukissiorfimmuut tunngasoq

Punkt 17: Aqqusinersuarmi Qitusoqarfimmut pilersaarut, Nuuk

Beslutning

Inassuteqaat akuersissutigineqarpoq.

Bilag

Aqqusinersuarmi Qitusoqarfik

Aqqusinersuarmi Qitiusoqarfimmut pilersaarut, Nuuk

Misissueqqissaarneq aamma oqaloqatigiinnermi atugassaq

Aalajangiiffigisassaq

SagsID.: EMN-2022-01167

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Aqqusinersuarmi Qitiusoqarfimmut pilersaarut akuersissutigineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliamik saqqummiussineq

Nuummi Aqqusinersuarmi Qitiusoqarfimmut pilersaarummi siunertarineqarpoq Nuummi Illoqarfiup Qeqqata siunissami inerisarneqarnera tamakkiisumik pilersaarusiornikkut atukkanut pioreersunut ilanngunneqassasoq qulakkeerniarneqarpoq. Immikkoortoq pineqartoq Nuup illoqarfiata qeqqaniippoq tassaniissappullu atuuffiit assigiinngitsut, illoqannginnersaqarfiit orniginartut aamma ineqartunut immikkoortukkullu angallatunut aqquut pitsaasut.

Pilersaarut malillugu immikkoortumi misissueqqissaarneq aamma nalunaarsueqqissaarneq pissapput, matumani aqqusineeqqat aqquserngillu, sanaartukkat portussusaat assigisaallu ilanngullugit. Immikkoortup siunertaata paasisimanissaanut aamma pitsaassutsit pioreersut eqqarsaatigalugit siunissamut qanoq ineriartortitsisoqarsinnaasoq eqqaanilu immikkoortut eqqarsaatigalugit tunngaviliivoq. Siunissami sanaartugassat portussusissaat, aqquserngit qanoq ittuusinnaaneri, illoqannginnersaqarfiit il. il. pillugit siunnersuusiortoqarlunilu innersuussaqartoqarpoq.

Allakkiaq una kommunimut pilersaarutissanut immikkoortullu ineriartortinnissaanut pilersaarusiornissamut atugassatut ingerlateqqinneqassaaq. Allakkiartaaq atorlugu immikkoortumi nunaminertanik inerisaaqataarusuttutut soqutigisaqaqatigiinnut saqqummiunneqassaaq.

Ingerlatsivimmit aningaasatigut sulisoqarnikkullu naliliinerit

Pilersaarutip suliarinera ingerlatsivimmi sulisup ukiumut naammassinnissinnaassusiata ingerlatsivimmi pingajorarterutaata naligaa.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattallit

- o Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. november 2010-meersoq aamma Inatsisartut inatsisaat nr. 34, 9. december 2015-meersoq
- o Kommunimut pilersaarut digitaliusoq www.kp.sermersooq.gl

Siusinnerusukkut aalajangiineq

Sanarfinermut Avatangiisinullu Ataatsimiititap 24.02.22:

Inassuteqaat imatut oqaaseqaatitalerlugu akuersissutigineqarpoq: Ataatsimiititami kissaatigineqarpoq kalaallisut qulequtaa misissorneqassasoq.



Ilanngussaq

1. Aqqusinersuarmi Qitiusoqarfik

Punkt 18: Ilassutitut oqaluuserisassaq: ESANI aningaasaatinut tunngasut

Beslutning

Inassuteqaat amerlanerussuteqartunit akuersissutigineqarpoq.

Inassuteqaat Siumumit itigartitsissutigineqarpoq.

Bilag

Aningaasaqarnermut Naligiissitaanermullu Naalakkersuisoqarfimmiit allagaq - qallunaatut

ESANI aningaasaatinut tunngasut

Aalajangiiffigisassaq

SagsID.: EMN-2022-01248

Suliffeqarfimmut Kiffartuussivik - kommunaldirektøri Ole Jakobsen / OJAK

Sanarfinermut Avatangiisinullu Ingerlatsivik – pisortaq Hans Ulrik Skifte/ HUTS

Inassuteqaat

Suliffeqarfimmut Kiffartuussiviup aamma Sanarfinermut Avatangiisinullu Ingerlatsiviup

Aningaasaqarnermut Inuussutissarsiornermullu Ataatsimiititamut inassuteqaatigaa:

- ESANI-mut taarsigassarsinissamut akisussaaffeqarfiusunik aningaasaatit 2,5 mio. kr.-inik tassa 10 mio. kr.-iniit 12,5 mio. kr.-inut amerlineqarnissai akuersissutigissagai
- Namminersorlutik Oqartussaniit ESANI-mut 50 mio. kr.-it tapiissutaasut sisamararterutaat Kommuneqarfik Sermersuumut tunniunneqassasut kingornalu ESANI-mi aktiatigut aningaasaliissutigineqassasut akuersissutigineqassasoq

Suliassamik saqqummiussineq

Kommunit avatangiisimut ingerlatsinermullu tunngasuni suliassanut tunngatillugu inatsisit aamma kommunip pisinnaatitsissutaa malillugu, matumani aqquserngit aserfallatsaalineqarneri, eqqagassalerineq, anartarfilerineq aamma atoqqinneqarsinnaasunik suliat kiisalu suliassat pituttorsimasut kommuninit ataatsimoorullugit suliarineqarnissaat siunertaralugu ESANI A/S 2019-imi pilersinneqarpoq.

Ingerlatseqatigiiffik kommuninit tallimaasunit pigineqassasoq kommunimut ataatsimut pigineqataassut 20 procentiulluni siunertaaqqaaraluarpoq. Suliap ingerlanerani Avannaata Kommunip peqataajumajunnaarpoq, maannali ilannguteqqinnissamut isumaliutigineqarluni. Ingerlatseqatigiiffik kommuninit immikkut 400.000 koruuninik akiliuteqaaqaarneratigut pilersinneqarpoq – katillugit 2 mio. kr. kiisalu taarsigassarsinissamut akisussaaffeqarfiusunik aningaasaatit kommunimut ataatsimut 10 mio. kr.-it aningaasaliissutaanissaannut isumaqatigiissut – katillugit 50 mio. kr. kommuninit tallimaasut peqataanissaat tunngavigalugu. Tamatuma saniatigut pilersitsinissamut Namminersorlutik Oqartussat 50 mio. koruuninik tapiissuteqarniarlutik neriorsuipput. Avatangiisinut Aningaasaateqarfik aqutigalugu tapiissuteqartoqassaaq (FL77.05.08). FL2021 malillugu 2019-imi aamma 2020-mi 10 mio. kr.-it kiisalu saniatigut 10 mio. kr. ukiuni 2021-mi, 2022-mi aamma 2023-mi immikkoortinneqarput.

Kommunit suliffeqarfinnik pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartorerannulluunniit akuersisarneq pillugu Inatsisartut inatsisaat nr. 23, 28. november 2018-imeersoq malillugu ingerlatseqatigiiffiit kommunimit pigineqartut ingerlatseqatigiiffiup suliqaarnikkut isumannaatsuutinnissaat naapertorlugu taarsigassarsinissamut Kommunalbestyrelse akuersisuussaaq. Kommunalbestyrelsimit akuerineqassaguni ingerlatseqatigiiffiup taarsigassarsinissamut kissaatigineqartut ilanngullugit minnerpaamik 25 procentimik akiliisinnaassuseqarnissaa aningaasatigullu imminut akilersinnaanissaa piumasagaataavoq.

ESANI-p maannakkut missingersuutai taama isikkoqartillugit Namminersorlutillu Oqartussanit tapiissutit naatsorsuutitigut suliarineqartarneri naapertorlugit, ingerlatseqatigiiffiup

akiliisinnaassuseqarnermut 25 procenti piumasaqaataasoq 2030 sioqqullugu naammassinavianngilaa, aatsaat ukiuni arlalinni ingerlanneqareeruni.

Inatsit malissagaanni akiliisinnaassuseqarneq eqqarsaatigalugu Avatangiisinut Aningaasaateqarfimmiit (FL77.05.08) 50 mio. kr.-it kommuninut tunniunneqassapput Esani A/S-imilu aktiaatitigut aningaasaatit amerlinissaannut atugassanngortillugit. Namminersorlutik Oqartussaniit 50 mio. kr.-it taamaalillutik ingerlatseqatigiiffiup aningaasaataanut ilanngutsinneqarsinnaapput akiliisinnaassutsimilu 25 procentip naatsorsorneranut ilanngunneqarlutik.

Tamatuma peqataanik kommunit ataatsimut 50 mio. kr.-inik aallaqqaammulli tunngavigineqartut taarsigassarsinissamut akisussaaffeqarfiusunik aningaasaatinik akiliinissaat pisariaqassaaq - qanorluunniit Avannaata Kommunian peqataaniarpas peqataanianngippalluunniit. Massakkut kommunit peqataaniartut sisamaammata, kommunit ataasiakkaat taarsigassarsinissamut akisussaaffeqarfiusunik aningaasaatit 2,5 mio. kr.-inik ilalerneqarnissaat taamatullu katillugit 12,5 mio. kr.-inngortinneqarnissaat pisariaqassaaq.

Aalajangiisoqannginneq, imaluunniit akuersissuteqannginneq ESANI'p Suleriaasianik ajornartoortitsissaaq, ajornerpaajussappallu imaassinnaalluni, ESANI ingerlatseqatigiiffik piginnittuminit pilersinneqarmat siunertamisut suliassaminik, ESANI'p ingerlatsinermut isumaqatigiissutit naapertorlugit piginnittuminut pisussaaffimminik, minnerunngitsumillu Nukissiorfiit tungaannut siunissami pisussaaffimminut, 600 mio. kr.-nik ukiut 30-t sinnerlugit nalilinnik ungasissumit kiassarnermik pilersuinissamut isumaqatigiissuteqarfigisaminik ingerlatseqqissinnaajunnaarneranik kinguneqarsinnaavoq. Isumaqatigiissutaareersut tamakkua ESANI A/S-imut kommuninullu piginnittunut pisussaaffiliipput isumaqatigiissutininik piviusunngortitsinissamut.

Ingerlariaqqinnissaaq eqqarsaatigalugu Avatangiisinut Aningaasaateqarfimmiit tapiissutit (FL77.05.08) allanngortinnerini oqartussaqaarfimmi eqqortumi aamma Namminersorlutik Oqartussani politikikkut sullivimmi sularineqarnissaa eqqarsaatigalugu suliatus inissisimanissaa naatsorsuutigineqarpoq. ESANI-mi ataatsimeersuarnissami aktiaatini aningaasaatit amerlineqarneri aalajangiiffigineqassapput. Tamanna ileqquusumik ataatsimeersuarnermi maajimi ingerlanneqartussatut pilersaarutaasumi pisinnaavoq. Namminersorlutik Oqartussat ingerlatseqatigiiffimmut tapiissutissami ilaat annertuut akiliutigereerpaat. Tapiissutit ingerlatseqatigiiffimmi aningaasaliissutit qaffanneqarnerinut atatillugu Namminersorlutik Oqartussanut utertinneqassapput. Suliatus taakkununga assingusut kommunini peqataasuni politikikkut oqaluuserineqassapput. Kommuni aalajangiinera Naalakkersuisunut kingusinnerpaamik marsip 25-ianni nalunaarutigineqassaaq.

2019-imi marsip ulluisa 12-anni kommunalbestyrelse aalajangerpoq ingerlatseqatigiiffiup taarsigassarsinarnermut, atukkiisarnermut attartornermullu isumaqatigiissutit pillugit aalajangiisinnaatitaaneq Kommunit suliffeqarfinnik pigisaasa sanaartukkanillu pigisaasa ilaasa pisarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersup malitsigisaanik Kommunalbestyrelsimiit Aningaasaqarnermut Inuusutissarsiornermullu Ataatsimiititamat suliakkiutigineqassasoq.

Ingerlatsivimmit aningaasatigut sulisoqarnikkullu naliliinerit

Namminersorlutik Oqartussanit tapiissutit nalimmassarneqarneri naatsorsuutitigut teknikkikkut kommunip aningaasaqarneranut sunniuteqarnavianngitsaq nalilerneqarpoq. Taarsigassarsinissamut akisussaaffeqarfiusunik aningaasaatit 2,5 mio. koruuninik ilaneqarneri kommunip tigoriaannaataanik 2,5 mio. koruuninik annikillitsissapput. Kommune tamatuma kingorna ESANI-mi 2,5 mio. koruuninik oqimaaqatigiisitsinermut ilanngunneqartussanik pissaqartinneqassaaq.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivimmit inassuteqaatigineqartoq ilalerneqarpoq, taamaattoorli oqaaseqaatigineqarluni taamatut aaqqiissuteqarnerup kingunerisaanik kommunip tigoriaannaatai 2,5 mio. koruuninik ikilisinneqassasut.

Inatsisitigut tunngavissaq allakkallu tunngaviusumik uppersaatitallit

- Kommunit suliffeqarfinnik pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersoq

Ilanngussat

1. Aningaasaqarnermut Naligiissitaanermullu Naalakkersuisoqarfimmiit allagaq

Punkt .: Lukket

Punkt 19: Lukket

Punkt 20: Lukket

Punkt 21: Lukket

Punkt .: Tamalaat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15.30.